

AWEMainta

E DIFERENCIA DEN NOTICIA

ADICTONAN AMBULANTE: UN SOMBRA SCUR RIBA E PLAN DI REVITALISACION DI ORANJESTAD



BUBALI PLAS:

3

**EXITO ECOLOGICO
Y SIMBOLO DI
FAYO DI GOBIERNO**

CAMBIO DI MANEHO
DEN TRANSPORTE PUBLICO

4

**MONOPOLIO RIBA
TRASPASO DI PERMISO
A KEDA ELIMINA**

FAKE NEWS:

6

**E NORMA
NOBO?**

REGULACION NOBO ANUNCIA

15

**AUMENTO DI
CANTIDAD DI
ASIENTO PA TAXI**



Awo cu 2 florin mas, bo por gana e **MEGA PLUS**

* Afl. **650.000,-**

* Afl. 450.000,- + Afl. 200.000,-
extra

Benta ta sera 7:30 pm y sorteo ta hunga 7:45 pm








WHAT VS WHERE?

Stop Searching!

M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



VCC
International NV

Adictonan ambulante:

Un sombra scur riba e plan di revitalisacion di Oranjestad



Foto: Minister GW

NA februari e aña aki a tuma luga e ceremonia di e revelacion oficial di Plaza Comercio na Oranjestad, den presencia di Gobernador di Aruba, Z.E. Alfonso Boekhoudt, y varios dignatario, incluyendo minister- y miembronan di parlamento. N'e ocasion aki, Minister di Asuntonan Economico, Comunicacion y Desaroyo Sostenibel, Geoffrey Wever, a papia cu entusiasmo tocante e futuro di Oranjestad y e plannan pa mas mehoracion den iluminacion, facilidadnan di parkeo y accesibilidad. Su meta ta pa revitalisa e centro di ciudad y apoya comercio y empresarionan.

A pesar di e desaroyonan positivo aki, sinembargo, problema ta sigui existi, manera e presencia persistente di adictonan den centro di Oranjestad, un asunto cu ta wordo ignora pa gran parti door di gobierno.

Pa hopi aña caba ta muestra cu no tin medida of vision efectivo pa resolve e problema cu adictonan den centro di Oranjestad. Mientras cu tin plannan grandi anuncia pa revitalisa e caya principal y atrae negoshinan nobo, un di e obstaculo mas grandi pa tanto negoshinan como e publico ta wordo ignora: e presencia di adictonan cu no ta haya ayudo. E adictonan aki, cu hopi biaha ta wordo forsa pa horta pa financia nan adiccion, por bira violento y causa daño na propiedad y negoshinan. Nan presencia constante ta spanta cliente y empresarionan potencial, loke ta stroba e recuperacion economico di e cayanan principal seriamente.

Ta un berguensa cu pa practicamente tur otro problema solucion y plannan ta wordo presenta, hopi biaha financia door di aumento di belasting, mientras cu p'e problematica rond di adictonan den e centro di ciudad no ta haci nada. No tin presupuesto, no tin plan y no tin intencion pa atende e problema aki, a pesar di campananan di PR cu ta gaba cu un surplus den presupuesto. E falta di accion y vision riba e tereno aki ta muestra un deficiencia serio den e gobernacion.

Un Mirada Critico Riba e Prioridadnan di Gobierno

Gobierno ta parece mas interesa den lanta campaña di PR y presenta plannan di revitalisacion ambicioso, en bes di atende e problemanan real y urgente cu ta afecta e ciudad. Door di ignora e problemanan di e grupo vulnerabel di hendenan aki, nan ta mina e esfuerzo pa revitalisa Oranjestad y crea un ambiente sigur y atractivo pa tanto negoshinan como e publico.

Ta tempo pa gobierno reconsidera su prioridadnan y tuma paso concreto pa resolve e problema persistente aki. Solamente e ora ey e plan y iniciativanan bunita p'e revitalisacion di Oranjestad por realmente florece y tin un impacto positivo riba e comunidad en general. Ignora e problema cu adictonan no ta solamente un oportunidad perdi, pero tambe un eror grave cu ta pone e futuro di Oranjestad na peligro.

Bubali Plas:

Exito ecologico y simbolo di fayò di gobierno



BUBALI Plas, un joya ecologico y refugio pa un abundancia di especie di parha, ta treciendo e ineficiencia di gobierno dolorosamente na luz. Originalmente construi como parti di un instalacion di purificacion di awa residual, e area di 'moeras' aki a desaroya den un cuna di biodiversidad. Sinembargo, revelacionnan recien a hala atencion n'e fayò den e maneho di awa residual di e isla y e posibel consecuencianan p'e industria turistico vital di Aruba.

E instalacionnan di purificacion di awa residual di Aruba, incluyendo Bubali Plas y Barcadera, ta bou di presion inmenso door di e poblacion creciente y e fluho constante di turistanan. E instalacionnan aki hopi biaha ta traha riba nan capacidad, loke ta hiba n'e descarga di awa residual no trata of parcialmente trata den nos medio ambiente. E situacion preocupante aki ta revela fayonan grandi den e infraestructura y ta pone un sombra riba tanto e administracion actual como esnan anterior.

Bou di presion grandi di tanto e poblacion local como e industria turistico, un proyecto nobo a wordo lansa pa atende cu e problemanan. E financiamiento p'e proyecto aki ta bin via un impuesto di turista, cu inicialmente a wordo fiha na \$20, pero presuntamente a wordo aumenta na \$22,50 - un aumento di 12,5%. Cu 1,3 miyon turista den e ultimo aña, e impuesto aki por genera un suma di \$29.250.000. E costo p'e RWZI Bubali Plas nobo ta wordo calcula na Afl. 31,8 miyon. E suma aki lo ta inclui e traspaso di e operacion y e propiedad di e instalacion di purificacion di awa residual pa Aruba Wastewater Sustainable Solutions NV (AWSS), un subsidiario di Utilities Aruba N.V.. Inversionnan significante

ta necesario pa mehora y expande e instalacion, pa cumpli cu e demanda creciente y atende problemanan ambiental.

Aunke e entradanan genera den teoria ta suficiente pa cubri e proyecto den un aña, esaki ta lanta preguntanan tocante e gasto di e fondonan adicional. Cu un entrada calcula di mas di 50.000.000 den un aña, transparencia tocante e destino di e medionan aki ta crucial pa mantene e confiansa di e publico. Gobierno mester clarifica con e entradanan adicional lo wordo gasta y segura cu e fondonan ta wordo uza di berdad p'e mehoracion destina den e infraestructura precario aki.

Den pasado e sector agricola tabata beneficia di awa procesa den e plantanan aki. Mirando e inversion cuantioso cu lo wordo haci, y e necesidad grandi di nos agricultornan pa un suministro di awa economicamente sostenibel, e reuzo di awa residual pa metanan agricola por ofrece un solucion prometedora. Awa residual reuza por spaar fuentenan di awa dushi, provee nutrientenan esencial pa cultivo, y ta mas costo-efectivo cu awa dushi, specialmente na Aruba cu tin scarsedad di awa.

Bubali Plas ta para como simbolo di tanto e potencial ecologico como e fayonan gubernamental di Aruba. Mientras cu gobierno ta haci esfuerso pa mehora e infraestructura y implementa solucionnan sostenibel, transparencia y ehecion efectivo ta keda di vital importancia pa proteha tanto e medio ambiente como e industria turistico. Solamente door di esfuersonan uni Aruba por enfrenta un futuro sostenibel y prospero.

Cambio di maneho den transporte publico

Monopolio riba traspaso di permiso a keda elimina

CADA ciudadano mester tin e oportunidad igual pa yega na remarke pa haci uzo di un permiso di transporte publico. E realidad ta diferente.

Tin cantidadnan maximo pa cada tipo di permiso di transporte publico (autobus, taxi, tour, ongeregeld, verhuur). Si nos tuma e sector di taxi como ehempel, actualmente tin un maximo di 465 permiso pa otorga. Practicamente tur ta otorga, algun pendiente nan prolongacion. Mientrastanto, hopi taxista, ora nan no kier of por core taxi mas, ta pidi pa traspasa e permiso cu nan ta haci uzo di dje pa un persona di nan escogencia.

Segun ley, Minister di Transporte por aproba un traspaso na un “lid van het gezin” di e taxista. Den pasado traspaso a tuma luga na personanan cu no ta un “lid van het gezin” di e taxista. E posibilidad di traspaso tambe a wordo maluza pa bende permiso, cual no ta permiti. E posibi-



lidad di traspaso a crea e situacion cu hopi di e permisonan cu ya ta limita, no ta yega bek cerca Gobierno pa otorga na otro ciudadano cu a haci peticion pa un permiso. Asina de facto a crea un ‘closed system’ caminda permisonan, cu ta patrimonio di pueblo, ta keda den famianan of ta bay na un persona di escogencia di un taxista, y den cierto caso ta wordo bendi ilegalmente.

Na september 2022 Minister Arends a revoca e maneho di ex-Minister Romero, y a [introduci un maneho mas stricto](#). Awo a yega na e siguiente paso, cual ta pa para cu traspaso di permiso, promoviendo oportunidad igual pa ciudadanonan cu kier yega na remarke pa haci uzo di un permiso.

E maneho nobo, cu a wordo publica riba Publico.aw, ta encera cu desde 1 di september 2024 no lo aproba peticion di traspaso di permiso di transporte publico. Peticionnan haci prome cu 1 di September 2024 lo wordo trata conforme e maneho vigente di 26 di september 2022, tambe obtenibel riba [Publico.aw](#). Desde 1 di september 2024, e maneho di 26 di september 2022 ta keda revoca y no lo tin mas traspaso di permiso.



VACATURES

Land Aruba

- Juridisch beleidsmedewerker (Directie Scheepvaart)
- Hoofd Ondersteuning (Centraal Bureau voor de Statistiek)
- Junior/senior assistant-Accountant (Centrale Accountants Dienst)
- Accountant (Centrale Accountants Dienst)
- Controleleider (Centrale Accountants Dienst)
- Medewerker Informatisering/Automatisering (Griffie der Staten)

Aplica
awe

Bin forma
parti di e
desaroyo di
nos isla

Kijk voor meer informatie op onze website:
hrportaal.drh.gov.aw/vacatures



Ministro di Salubridad ta anuncia cu entrante **5 augustus 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un koffiehuis- y un restaurantvergunning B pa e parcela **J.E. Irausquin Boulevard 384-A, lok. C-6**. E permisonan aki ta concerni e.o. benta di bebida sterki por detal y cuminda (snacks) pa wordo consumi den e parcela. Durante dicho periodo aki tur hende por expresa por escrito nan obhecion contra dunamento di e permisonan menciona, dirigi na e Minister encarga cu Salubridad, via intermediacion di Director di Legislacion y Asunto Huridico, Schotlandstraat 53.



GANA
TE CU AFL 2.500

CON PA GANA?

Match bo numbernan cu e numbernan den e bowling pins.
Match cuater (4) of mas number y gana e premio indica abou.
Solamente e suma mas halto cu a match ta wordo gana.

YOUR NUMBERS											
2	4	13	29	6	30						
10	1	3	11	12	15						



PRIZE LEGEND	
MATCH 4 NUMBERS	AFL 2
MATCH 5 NUMBERS	AFL 5
MATCH 6 NUMBERS	AFL 10
MATCH 7 NUMBERS	AFL 20
MATCH 8 NUMBERS	AFL 50
MATCH 9 NUMBERS	AFL 100
STRIKE (MATCH ALL 10 NUMBERS)	AFL 2.500

MATCH 6 NUMBERS	AFL 10
MATCH 7 NUMBERS	AFL 20
MATCH 8 NUMBERS	AFL 50



www.lottoaruba.com

Fake News:

E norma nobo?

DEN e temponan actual ta parce cu a bira e norma cu ora gobierno wordo confronta cu informacion cu nan no gusta, nan ta tilda esaki rapidamente como “fake news”. Ta parce cu nan ta confia cu nan votadonan no ta comprende e informacion of no ta haci e esfuerzo pa investiga mas of haci pregunta.

Como media nos tin un relacion complica cu gobierno. Di un banda, hopi biaha nos ta haya informacion filtra for di circulo di gobierno, cu un proposito cu nos mester cuestiona. Kisas e ta pa sostiene un campaña di PR of pa evita cu un otro minister ta haya demasiado atencion. Na final di dia, politiconan ta depende di voto, y p’esey e informacion cu media ta haya hopi biaha ta bin di fuentenan confiabel y ta wordo publica cu cautela. Sinembargo, ora e informacion aki ta desfavorabel pa un minister, lihe e ta wordo tilda como “fake news”.

Kisas ta tempo pa nos yuda gobierno enfrenta e berdad.

- **Aruba a bira mas sushi** - esey ta ‘fake news’?
 - Toch mester a inverti miyones den limpieza di e isla.
- **Tin pobresa na Aruba** - esey ta ‘fake news’?
 - Toch cada bes mas mucha ta bay scol cu hamber.
- **No tin un bon maneho di inmigracion** - esey ta ‘fake news’?
 - Toch e cantidad di inmigrante a crece hopi.
- **No a logra progreso economico** - esey ta ‘fake news’?



○ Toch e comerciantenan ta hopi rabia y ta expresa nan frustracion regularmente.

• **Aruba tin un crisis den educacion** - esey ta ‘fake news’?

○ Toch tin un diferencia grandi den nivel di educacion na Aruba y maestronan mester financia material di nan mes saco.

• **Aruba tin un crisis den Salubridad** - esey ta ‘fake news’?

○ Toch tin listanan largo di espera no documenta y Aruba tin e porcentahe mas halto na mundo di Diabetico, 80% tin sobrepeso cu 95% riesgo pa malesanan no transferibel

• **Aruba no tin un maneho pa cu Adictonan ambulante** - esey ta ‘fake news’?

○ Toch a pesar di tur incentivo caya grandi pariba y pabou ta keda un ‘ghost town’ plaga di adicto ambulante.

Nos por sigui sin fin. Hasta si gobierno purba nenga tur cos, cu tempo nos observacionnan ta wordo confirma. Ta di vital importancia cu tanto media como e publico sigui haci pregunta y busca e berdad, a pesar di intentonan pa tapa esaki. Educa bo mes!



American Airlines

Reserva Awo!

aa.com



**Ban Miami
pa zomer vakantie!**

**Book bo aventura pa Miami
cu American Airlines**





AUG 2 & AUG 3

48 hour sale

DEALS SO GOOD THEY WON'T LAST

Get up to

35% off

on Financing 18 Months & over

or

10% Off Cash Purchases

Special conditions apply. Ask for details

VISIT US MONDAY TO SATURDAY: 9AM - 6PM AT:
AMC UNICON MEGASTORE
L.G. SMITH BLVD, 144 ORANJESTAD

Telephone:
521-1180
 

 **Ashley**
FURNITURE HOMESTORE

Den caso di Embassy Suites


Gobierno di Aruba y Embassy Suites ta gana caso contra Aruba Birdlife Conservation

AÑA pasa 23 di juni 2023 a surgi un discusion entre Minister Ursell Arends y Aruba Birdlife Conservation contra Embassy Suites pa un beach cu e hotel kier a desaroya.

Embassy Suites a haya permiso di Minister di Infraestructura pa cu esaki y tabata pendiente di e 'onthefing' di Minister di Naturalesa.

E discusion a termina den corte den cual corte den prome instancia a duna Aruba Birdlife Conservation rason y a destrui e 'aanlegvergunning'. Minister di Infraestructura a apela e caso basa riba interpretacion erroneo di e hues den prome instancia.

Diaranson 31 di juli 2024 Corte di Apelacion a duna Minister di Infraestructura rason y a dicidi cu e 'aanlegvergunning' duna pa desaroya e beach tabata corecto. Awor cu e permiso ey a caduca, e hotel por haci un peticion di nobo, cu mester wordo trata segun e veredicto di Corte di Husticia. Cu esaki ta bin mas claridad den e interpretacion di e maneho di duna 'aanlegvergunning'.



Siguiente pasonan

Embassy Suites lo mester haci un peticion di nobo p'e permiso pa desaroya e beach mirando cu esun den discusion a vence. Despues di obtene e permisonan, por desaroya e beach. Permisonan necesario t'e 'aanlegvergunning' di Minister di Infraestructura y un 'onthefing' di Minister di Naturalesa. Pa loke t'e prome permiso, e veredicto aki ta duna e contesta: pues e mester wordo duna.

BO TA BAI CU VACANTIE? Roaming

Keda semper conecta!

Busca bo Roaming International Data Bundle facil via bo SETAR App

International Roaming Bundle

Data	Outgoing & Incoming Minutes	SMS	Duration	Price
500 MB	10	10	1 Day	Afl. 25
1 GB	30	30	7 Days	Afl. 65
3 GB	60	60	30 Days	Afl. 140

* SETAR's International Roaming Bundle ta aplicabel pa Canada, Colombia, Costa Rica, Alemania, Irlanda, Italia, Mexico, Nieuw Zealand, Hulanda, Austria, Peru, Turkia, Merca y Reino Uni.

 **SETAR**

02- 08 Aug'24

MEAT

Weekly Special

SUPER

Do it Center®

PORKCHOP US (FROZEN)



Normal Price f13.99

Get Discount f4.00

f **9.99**
Price. PER KG

BEST
SALE

CHICKEN SHOARMA



Normal Price f17.49

Get Discount f1.50

f **15.99**
Price. PER KG

U.S. BONELESS PORKLOIN



Normal Price f17.99

Get Discount f3.00

f **14.99**
Price. PER KG

BEST
SALE

ANGUS BEEF CUTSMALL



Normal Price f32.99

Get Discount f3.00

f **29.99**
Price. PER KG

CHICKEN CORDON BLEU



Normal Price f18.49

Get Discount f1.50

f **16.99**
Price. PER KG

LAMB CHUMP



Normal Price f52.99

Get Discount f4.00

f **48.99**
Price. PER KG

CHICKEN CUTLET SOUTH AFRICAN STYLE



Normal Price f18.49

Get Discount f2.00

f **16.49**
Price. PER KG

ANGUS RIB EYE STEAK



Normal Price f69.99

Get Discount f7.00

f **62.99**
Price. PER KG

ANGUS SHORT RIBS(BONELESS)



Normal Price f65.99

Get Discount f8.00

f **57.99**
Price. PER KG

SUPER Do it Center | Shaba 3, Noord | TEL: 5831111

Crisis den Gabinete Wever Croes II a yega su culminacion

UN gobierno cu a promove integridad, cu semper ta uza esaki como argumento pa trata di hustifica nan decisionnan, mester duna contenido real n'e vision aki ya cu ta imposibel pa acepta cu gobernantenan cu ta papia semper di integridad, a para viola e reglanan aki den e forma cu esaki ta pasando, no ta resta otro caminda cu un caminda pa oficina di Gobernador.

Coalicion MEP-RAIZ simplemente no tin derecho di existencia, pa un serie di asuntonan cu no a bay bon pero loke a bin ta tumando luga tanto e siman aki como simannan cu a pasa, cualkier persona cu tin un "krenchi" di respet y honor, dos punto cardinal pa loke ta nan integridad, lo a tuma e decision cu no por sigui di e forma aki.

Historia politico a mostra cu den Reino Hulandes, nunca antes un Prome Minister di un pais, ta desconfia formalmente di su Vice Prome Minister caminda culminacion di e situacion bergonsoso aki, tabata e momento cu e Vice Prome Minister, a dicidi di hiba su Prome Minister Corte cu a bira un acto historico.

E vice Premier Ursell Arends despues cu el a ricibi un mensahe skerpi di su Prome Minister Evelyn Wever Croes riba e asunto aki, a core bay Ministerio Publico pa hala e keho aden y a uza Aruba Birdlife Conservation como capa pa su lucha.

Awor e siman aki Corte Superior a dicidi di anula e decision di Corte den Prome Instancia cu a dicidi cu Embassy Suites no por traha un beach na Eagle, ya cu e no tin 'ontheffing' di Minister Ursell Arends p'esaki.

A cuestiona e decision di Corte den Prome Instancia riba su decision di anula un decision tuma p'e Minister concerni, e minister responsabel pa duna e dos permisonan, kende ta Minister di Infraestructura, Evelyn Wever Croes.

Sinembargo awor cu HOF a dicidi di anula e decision di Corte den Prome Instancia y muestra cu e inversionistanan tin derecho di haci otro peticion pa haya e permisonan aki ya cu e periodo p'esaki a vence, a Sali un biaha mas un Vice Prome Minister kende a dicidi di felicita "naturalesa" ya cu segun Ursell, awor ta su persona tin cu duna e ontheffing aki, dunando indicacion cu esaki lo no sosode.

Un reaccion no solamente un tiki infantil pero na mes momento un tiki "kinderachtig" ya cu e hotel ya caba a haya di mesun gobierno di Ursell Arends, permiso pues e ontheffing pa traha e beach aki, caminda en realidad henter e proceso ta uno di limpia un bida beach, basha santo blanco nobo n'e sitio, planta mata n'e sitio y haci e pida beach aki un luga bunita y placentero.

Ta prome Minister den historia di e pais aki, cu ta opone pa un proyecto inverti den atende cu naturalesa y drecha un sitio dor di atende cu flora y fauna di e pida beach aki.

Aki ta bon pa mostra cu Minister Ursell ta insisti pa hiba un guerra contra di inversionistanan cu a bin inverti den e isla aki, mientras cu su propio maneho pa loke ta control di desperdicio di cas, a bira un problema grandi ya cu tur caminda hendenan ta tirando sushi.

Ta bin acerca cu na momento cu e mandatario aki papia di un triunfo, ta mescos cu e dirigi su mes den direccion di su Prome Minister kende t'e mandatario cu a duna permiso n'e hotel aki p'e proyecto di beach.

Conclusion di henter e situacion aki entre MEP y RAIZ ta c'un di e lidernan di e partidonan aki, tin cu yama oficina di Gobernador Alfonso Boekhoudt pa pidi un cita oficial y eynan pone fin na un gobierno cu pa falta di integridad, no tin derecho di existencia!

**FRIDAY
AUGUST 2ND, 2024**

**DRESS CODE
ALL IN BLACK**

**TIME
19:00-00:00**

25+

**MUSIC,
BEAUTIFUL PEOPLE,
DRINKS, FOOD
& AMAZING
ENTERTAINMENT!**

ARUBA

**CLAUDIUS PHILLIPS Y OREO
ATANIRO & BAND & DJ SKY**

PRE-SALE AWG 35,00 NO DOOR SALE

SALES INFO

AFTER 7 AMBASSADORS • 297 5936979

**LOCATION
VILLA FLORALINA**

Weekly
SPECIALS

VALID FROM

02 AUG - 08 AUG 2024



LANCO SILICONIZER
CRACK FILLER

- 5 Gall
- Ultra White

~~324⁹⁹~~
224⁹⁹

OR 22499 POINTS
RC230-2



DEWALT IMPACT DRILL
SET

- 10-Pc

~~219⁹⁹~~
149⁹⁹

OR 14999 POINTS
26138412

HOT
ITEM

HOT
ITEM



STANLEY TOOLBOX

- 16in
- W/ Auto Latch

~~44⁹⁹~~
29⁹⁹

OR 2999 POINTS
STST16410



HONEYWELL SURGE
AND VOLTAGE PROTECTOR

- Black
- 15A/1800W

~~27⁹⁹~~
19⁹⁹

OR 1999 POINTS
HW-SP-01



IPG FIX-IT DUCTAPE

- Silver
- 1.88inx55-YD

~~17⁹⁹~~
11⁹⁹

OR 1199 POINTS
6900



EVERLAST YOGA
MAT

- 6mm
- Grey

~~49⁹⁹~~
39⁹⁹

OR 3999 POINTS
EYVM662



BLACK JACK WET
PATCH ROOF CEMENT

- 10.1oz

~~7⁹⁹~~
5⁹⁹

OR 599 POINTS
2172-9-66



RCA REMOTE CONTROL

- Universal
- Black

~~21⁹⁹~~
14⁹⁹

OR 1499 POINTS
542067



WORKLIGHT PORTABLE
STAND UP TRIPOD

- LED
- 6600ml

~~299⁹⁹~~
209⁹⁹

OR 20999 POINTS
WL40072SCLDI

Oferta ta valido 02 aug - 08 aug '24 y tanten cu tin den stock.

SUPER
Do it Center.

Do it Center.
Camacuri

Do it Center.
Savaneta

DI TODO UN POCO PA REFLEXIONA

ARUBA despues di hopi aña a titula campeon den Serie del Caribe pa loke ta baseball, Little y Senior Division, pa cual ta presenta Caribe henter. Kico nos ta nota. Ora cu Corsou titula campeon den nan respectivo division, TeleCuracao ta compaña nan teamnan y sa di transmiti tur nan weganan, pa pueblo di Corsou por sigui nan. Esey nos no por bisa di TeleAruba!!

UN TeleAruba cu ta laga hopi di desea. TeleAruba cu sigur tin mas fondo financiero cu TeleCuracao, no por transmiti e wega mundial aki? Nan no por haya sponsor? Si nos hendenan (comerciantenan) t'asina patriotico, no por laga di patronisa un delegacion di TeleAruba pa transmiti e Campeonato Mundial aki? SETAR compania madre di TeleAruba, cu ta gana tanto placa no por financia e transmisionnan aki? E ta un berguensa nacional. E problema aki tin di haci cu maneho di e planta NACIONAL? Un

tempo Tele Aruba tabata wordo maneha pa un otro Director, kende si a sa logra transmision di e.o. Copa Mundial di Futbol, Serie Mundial di Baseball, Copa America, Eurocup, etc.

PERO si TeleAruba ta manda un of mas hende di TeleAruba pa cubri Olimpiada na Francia. Ta Comite Olimpico di Aruba ta cubri e gastonan aki of p'esaki si tin placa?

TeleAruba a para bira un BERGUENSA NACIONAL. Manera menciona, dia pa dia ta bayendo atras. Esaki lo t'e meta? P'e wordo declara bancarota? Tempo lo bisa. Tempo cu ATV tabata existi, tabatin miho programacion, pasobra ATV tabata duna concurrencia y awor ta TeleAruba so tin, nan ta perdiendo bataya hasta contra di e website nan.

MICHAEL Williams y Otmar Oduber parce ta riba mesun onda. Nan lo forma parti di Plataforma Nos Pais? Pakico ta bisa tur esaki, ta pasobra den pasado Michael Williams a bin ta cuestiona Ministerio Publico seriamente, yamando nan pa corrupto. Ningun dia Ministerio Publico a tuma accion contra di Michael Williams. Awe Otmar Oduber ta di mesun pensamiento cu Michael Williams.

OTMAR Oduber ta declara publicamente cu politica ta meti diki-diki den Ministerio Publico. Otmar Oduber a trece documento pa mustra como prueba con Prome Minister Evelyn Wever Croes ta coresponde cu maneho di husticia na Aruba.

Otmar Oduber a cuestiona Parlamento completo, specialmente esnan cu ta bisa di kier un reforma nobo di hiba politica. Nada di esaki ta ser mira. Parlamento ta practicamente morto. Bo pensa riba biahamento, pa wak con nan por haya entrada extra na daggeldvergoeding pa por biahe despues cu nan famia. Esaki tambe ta un acto di corrupcion. Ta di spera cu Parlamento bira mas activo.




We Are HIRING

Join Our Award-Winning Team
#21 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ RESERVATIONS COORDINATOR
- ✓ HR COORDINATOR
- ✓ HOST/HOSTESS (AM/PM)
- ✓ COOK
- ✓ FRONT OFFICE SUPERVISOR
- ✓ CONCIERGE/FRONT DESK AGENT
- ✓ ROOM ATTENDANT
- ✓ HOUSEMAN
- ✓ HOUSEKEEPING SUPERVISOR
- ✓ SUSTAINABILITY MANAGER
- ✓ DIRECTOR OF SALES & MARKETING

BENEFITS

ATTRACTIVE SALARIES WITH VARIOUS BONUS OPPORTUNITIES
 5-DAY WORKWEEK (40-HOURS A WEEK)
 WITH UP TO 27 VACATION DAYS BASED ON YEARS OF SERVICE
 GYM MEMBERSHIP WITH BODYZONE AND CUTS & CURVES
 + LIFE AND HEALTH INSURANCES
 SAVINGS & LOAN PROGRAM
 EMPLOYEE DISCOUNTS AT TARA ECO,
 A MAJOR LOCAL SUPERMARKET AND GARAGE





APPLY ONLINE AT: WWW.BUCUTI.COM/CAREERS

NEL Oduber, ex Prome Minister a duna di conoce cu el a tuma nota cu Hulanda na 2023 a gasta 2.7 BIYON Euro na hendenan cu a pidi asilo. Pandemia a pone nos di Aruba fia Afls 960 miyon, anto nos ta Hulandes cu nos tin cu paga bek anto cu interes.

CON ta posibel cu Three Rivers Real Estate VBA doing business as Secrets Resort ta haya ontheffing pa altera/construi/landscape un beach nobo na Santana di Cacho pa no uza Baby Beach? Tanto Baby Beach como Pet Cemetery ta areanan na unda turtuga ta subiter y broei. Unda Aruba Birdlife Conservation, Aruba Conservation Foundation y Turtugaruba a keda? A cumpra nan silencio? Y dicon Secrets SI y Embassy Suites NO? Greg Peterson y Ursell Arends por duna splicacion?

ATA SNBA su vocero, Errol de Freitas ta basicamente bisa cu mester ELIMINA Santana di Cacho pa rason di higiena, cu el a bira un luga pa dump sushi. E berdad amargo ta cu nan kier pa Gobierno duna e area aki na Secrets Resort pa traha full un beach nobo.

PAPIANDO cu Minister Ursell Arends y su amigo Gregg Peterson, nan a perde e caso di Corte den Apelacion contra di Embassy Suites, cu a haya rason pa traha un beach dilanti di e hotel. Nos tur por corda con Minister Ursell Arends a bay te n'e sitio, a dicidi di entama un caso contra di Prome Minister Evelyn Wever Croes cu despues a hay'e ta hala aden y Gregg Peterson y su fundacion a tuma over. Awor e fundacion ABC a perde e caso, loke mester nifica tambe cu Minister Ursell Arends a perde.

ESAKI lo nifica cu e mandatario aki, kende mester percursa pa Integridad lo tuma awor honor na su mes? Of e asiento lo ta dushi y lo sigui te final? Pero cu e Gobierno aki por spera tur cos, pero pueblo lo sa di husga nan.

SITUACION na Venezuela ta sigui tenso. Pa motibo cu resultado duna pa CNE, no ta di confia, siendo tur hende ta bisa cu oposicion a gana. P.e. oposicion gana na tur pais den exte-

rior, pero asina mes, na Venezuela, Nicolas Maduro ta reclama e Victoria. Cu e Dictador a anuncia cu lo tin derame di sanger, e lo sa di cumpli cu su promesa haci. Riba dje, su man drechi, Diosdano Cabello a laga sa cu no tin pordon pa ningun di nan cu ta contra di e Regimen. Lo detene nan y lo sa di husga nan tambe. Pueblo Venezolano mes ta sigui muri di hamber, pero tur esnan di e Regimen, si ta biba hopi bon, hortando tur placa di Venezuela. Esaki t'e meta di Chavismo? Na Aruba tambe tin algun siguido di Chavismo, pakico nan no ta bay bek Venezuela?

CITY Inspector a anuncia cu for di 1 di augustus, lo actua contra di tur mecanico di auto, specialmente esnan cu ta traha na nan cas. Awor ta laga sa cu nan mester di un vergunning, mester registra na KvK, de lo contrario lo nan haya boet. Robby Rosel ta full robes. E mester ta na Parlamento, unda tin ley hasta aproba di urbanisacion, cu no ta permiti pa tin negoshi, garage, etc. den tal urbanisacion.

Awor City Inspector kier bin cu cierto medida, contra esnan cu ta gana nan placa den forma honesto y a ser permiti pa Gobierno, no awor, pero for di hopi aña atras. Nos ta birando un pais dictatorial tambe? Esnan cu ta duna bouw-vergunning mester notifica adelanta cu no ta permiti di converti nan cas den un garage, un tienda, etc. Mira p.e. di Dakota, Tarabana, cuanto cas di pueblo a ser converti den garage, of bendi cu un Chines y a para bira un restaurant of un mini-market.

PERSECUCION politico, no ta nada nobo. Manera awor ta tilda Minister Presidente. Nos lo bin bek riba esaki. Ta for di tempo cu Aruba tabata forma parti di Antias, e.o. cu un Minister di Husticia Arubiano.

TARA LOUNGE *by* Elements
RESTAURANT


SUNDAY BRUNCH SERIES:
A Culinary Journey Through the World.

An 8-course set menu with a rotation of themes every week




Week 1

ITALY



Week 2

MEXICO



Week 3

FRANCE



Week 4

CARIBBEAN

\$60 PER PERSON | CHAMPAGNE INCLUDED | 11:30 AM - 3:00 PM
ADULTS ONLY | CASHLESS | AC INDOOR & OUTDOOR SEATING
RESERVATIONS REQUIRED

elementsaruba.com | +297 583-1100 ext 3

Gobierno di Aruba ta destaca logro financiero y economico den e ultimo tres añanan

CLAUSURANDO e conferencia di prensa di gobierno diaranson, Prome Minister Evelyn Wever-Croes a resalta e resultadonan positivo obteni pa Gabinete Wever-Croes II durante e ultimo tres añanan di maneho.

Eficiente maneho financiero

Cu determinacion, Gobierno di Aruba a traha pa encamina finansa di e pais te na progreso. Awendia, Aruba ta cosechando e frutanan di un administracion financiero efectivo bao di e liderazgo di Gabinete Wever-Croes. E maneho aki a wordo reconoci pa varios institucion financiero internacional, manera Fondo Monetario Internacional (IMF), Fitch Ratings, Economisch Bureau Amsterdam (EBA) y recientemente pa Banco Central di Aruba. Aruba a ricibi continuamente noticia faborabel riba su maneho financiero.

Desaroyo di Aruba

Turismo, economia y finansa publico di Aruba ta riba bon caminda. Desempleo y inflacion a baha. Recientemente Minister di Finansa, Xiomara Maduro a anuncia un aumento den pensioen y manera a priminti, siman pasa e empleadonan publico a ricibi e prome parti di e aumento salarial mediante indexering. E logronan aki ta demostra cu Aruba ta den pleno recuperacion y cu awo a crea e espacio financiero necesario pa alivia e poblacion.

“E pueblo di Aruba a duna nos su confiansa tres aña pasa pa saca Aruba for di e crisis y nos a cumpli. Nan a confia nos e stabilisacion di e pais despues di e crisis di COVID-19 y nos a logra. Pueblo a pidi nos traha den e progreso despues di estabilisa e pais y nos a cumpli, creando progreso. Awo nos ta segura cu e progreso aki ta traduci den prosperidad den cada hogar di Aruba, den cada cartera di nos ciudadanonan. Esey ta nos obhetivo principal awo. Nos a priminti y nos ta cumpliendo. Nos no a alcanza tur e metanan ainda, pero nos ta logrando avance,” Prome Minister a expresa.


E otro banda di medaya

A pesar di e logronan destaca p’e gobierno, ta importante atende algun critica y desbentaha adicional. Prome, aunke e maneho financiero a wordo elogia p’e entidadnan internacional, ainda tin cu wak e sostenibilidad di e avancen aki a largo plazo. E economia di Aruba ta sigui ta altamente dependiente di turismo, loke ta hacie vulnerabel pa fluctuacion global y imprevisto manera pandemia.

Fuera di esey, aunke a reporta un disminucion den desempleo y inflacion, e estadisticonan aki no semper ta refleha e realidad di tur ciudadano. E sectornan vulnerabel di e poblacion por ta no a experencia mehoracion significativo den nan calidad di bida. E distribucion di e rikesa y e igualdad economico ta sigui ta reto importante.

TURISMO

STAY-OVER VISITOR ARRIVALS




SALUBRIDAD

INVERSIONAN CUIDO MEDICO 2024

- ✓ 5.1 MIYON PA HOSPITAL
- ✓ 4.1 MIYON PA IMSAN
- ✓ 1.8 MIYON PA STICHTING BOB
- ✓ 1 MIYON PA RESPALDO
- ✓ 1.5 MIYON PA REENFORSA E PROME LIÑA DI CUIDO


INFLACION

PROYECCION INFLACION 2024-2025



DESEMPLEO

DESAROYO DI CIFRA DI DESEMPLEO (DEN %) 2000-2023



Tambe ta crucial menciona cu e reciente aumento salarial y di pensioen, aunke positivo, ta pone presion adicional riba finansa publico. E lo ta esencial cu gobierno mantene un balans cuidadoso pa evita deficit fiscal den futuro.

Resumiendo, mientras cu e logronan di Gabinete Wever-Croes II ta notabel y ta merece reconocimiento, un evaluacion critico ta revela area caminda mester di un esfuerzo continuo pa asegura un recuperacion sostenibel y igual pa tur e Arubianonan.

Regulacion nobo anuncia

Aumento di cantidad di asiento pa taxi

MINISTERIO di Transporte, Integridad, Naturalesa, y Adulto Mayor ta anuncia un decreto ministerial nobo riba e cantidad maximo di asiento pa taxistanan. E decision aki ta atende cu e necesidad creciente di taxi cu tin capacidad mas grandi. Particularmente pa grupo familiar y turista cu kier biaha hunto. Un decision cu a wordo tuma cu participacion di representantenan di e industria.

Puntonan Importante:

1. Aumento di Cantidad di Asiento:

○ E capacidad permisibel di asiento den vehiculo di taxi a aumenta di 5 pa 7 asiento, sin conta e stoel di chauffeur. E cambio aki ta dreठा na vigor inmediatamente despues di firma di e decreto ministerial.

2. Periodo di Transicion:

○ Operadornan di taxi cu vehiculo cu actualmente tin mas cu 7 asiento (sin conta e stoel di chauffeur) mester adapta nan vehiculo pa e regulacion nobo pa un maximo di 7 asiento pa dia 30 di September 2024.

3. Reglamento y Sancion:

○ Departamento di Transporte Publico lo controla e cumplimiento cu e regulacion nobo di asiento. E medida di control lo cuminsa dia 1 di october 2024, cu siguiente sancionnan:

- Prome violacion: Suspension temporario di e licencia di taxi pa 30 dia.
- Di dos violacion: Suspension temporario di e licencia di taxi pa 90 dia.
- Di tres violacion: Revocacion permanente di e licencia di taxi.

4. Consideracion pa Pasahero Durante Control:

○ Durante control di cumplimiento, si descubri cu e vehiculo di taxi tin mas cu 7 asiento pa pasahero y tin pasaheronan den vehiculo, e chauffeur lo haya e oportunidad pa cumpli cu e pasahero prome.

E decision aki ta refleha e compromiso di Ministerio di Transporte pa adapta na e necesidadnan di e comunidad y pa mehora e



eficiencia di e servicio di transporte publico. E regulacionnan nobo ta un paso fundamental pa alinea e practica di e industria cu e expectativanan di e sector, y asina mehora e infraestructura di transporte publico den su totalidad.

Ministerio di Transporte lo sigui monitor e efectividad di e cambionan pa garantiza e servicio di transporte. E maneho nobo por wordo encontra riba riba Publico.aw

Local Residents Special

50% off on any spa treatment

Includes

- Complimentary Mimosa
- Complimentary beachside and poolside seating*

Local residents also receive 25% off at Laguna and Miramar Garden**

eforea SPA
Hilton Aruba

*offer is valid for residents with local ID. Up to 3 additional guests and subject to availability.
**excluding full-sized bottled beverage and buckets.
Open daily 9:00AM - 6:00PM | +297 5266052 | auahh_eforea_aruba@hilton.com

Khalid Sheikh Mohammed, e mente maestra tras di 9/11 ta declara su mes culpabel



KHALID Sheikh Mohammed, e supuesto arkitecto principal tras di e atakenan di 11 di september 2001 di al-Qaeda riba Merca, a acepta di declara su mes culpabel, segun e Departamento di Defensa. E desarojo aki ta marca un paso significativo den direccion di resolve un caso cu a impacta Merca y Medio Oriente profundamente.

Mohammed, hunto cu su compinchinan Walid Bin Attash y Mustafa al-Hawsawi, ta spera di entrega formalmente e declaracionnan di culpabilidad n'e comision militar na Guantanamo Bay, Cuba, posiblemente otro siman caba. Esaki ta marca un momento crucial den e procedemento legal cu a tarda hopi y cu a dura mas di 16 aña desde cu nan persecucion a cuminsa.

E terminonan specifico di e acuerdo no a wordo divulga pa oficialnan di Pentagon. Sin embargo, The New York Times, citando fuentenan anonimo di Pentagon, a raporta cu e acuerdo ta inclui un condicion cu e acusadonan lo wordo libra di e pena di morto. E concesion aki ta alinea cu e demanda di hopi tempo di Mohammed y su co-acusadonan, kendenan a busca garantia cu nan lo no enfrenta ehecucion.

E decision pa acepta un acuerdo di culpabilidad ta bin mas

di dos decada despues di e atakenan catastrofico di 11 di september 2001. Riba e dia ey, militantenan a secuestra avionnan comercial y a bula nan den e World Trade Center na New York City y e Pentagon na Arlington, Virginia, resultando den casi 3,000 morto. Un di cuater avion, United Airlines Flight 93, a cay den un veld na Pennsylvania despues cu pasaheronan a purba domina e secuestradonan.

E atakenan di 9/11 a provoca un serie di intervencionnan militar Mericano cu e meta di desmantela rednan di extremista militante, hibando na conflictonan prolonga na Afghanistan y Irak. E gueranan aki a cambia e panorama geopolitico di Medio Oriente y a laga un impacto duradero riba e politica exterior y domestico di Merca, como tambe riba e bida di incontabel individuo rond mundo.

Mientras e procedemento legal ta sigui padilanti, e acuerdo di culpabilidad por trece un cierto ciere p'e famia di e victimanan y e publico en general, kende a warda añanan pa husticia. E ta subraya tambe e retonan legal y moral compleho involvi den persecucion di actonan di terrorismo riba un escala asina sin precedente. E resolucion di e caso aki lo ta un momento historico den e lucha continuo contra terrorismo global.

Lamper a dal riba boardwalk na Philipsburg y herida turistanan



RIBA Diaranson atardi, Cuerpo Policial di Sint Maarten (KPSM) y servicionan local di ambulance a wordo manda pa e Boardwalk na Philipsburg despues di un yamada di emergencia raportando heridonan causa pa impacto di lamper. E incidente a sosode mas o menos 1:15 di atardi meymey di condicionnan di tempo severo cu a trece actividad significante di lamper den e area. E victimanan tabata turistanan bishitando e isla for di un di e tres cruceronan mara na St. Maarten e dia ey.

Na nan yegada, e prome respondientenan a haya cinco persona cu a wordo gedat pa rayo. E victimanan a inclui un pareha cu tabata riba e beach di Great Bay, teniendo un parasol ora e tormenta a intensifica, y otronan cu tabata landa den e awa durante e awasero fuerte. Personal di emergencia a provee atencion medico lihe na e sitio. Tres di e victimanan a wordo evalua cu heridanan serio, rekeriendo transportacion inmediato pa e Sint Maarten Medical Center pa tratamiento adicional. E otro dos a sufri heridanan menor y a wordo

trata na e sitio sin mester di hospitalisacion.

Rayo ta afecta principalmente e sistema nervioso, hibando na posibel lesionnan celebral y di nervio. Kemaduranan serio ta raro, pero esnan afecta por experiencia sintomanan manera dolor muscular, dolor di cabes, nausea, confusion, problemanan di memoria, mareo, y problemanan di balansa. E sintomanan aki usualmente ta disminui den algun dia, a menos cu complicacionnan severo presenta.

KPSM a urgi e publico pa eherce cautela extremo durante periodonan di tempo malo, specialmente ora cu tin rayo presente. E polis ta enfatisa e importancia di busca refugio paden y evita espacio habri, manera beachnan, pa minimalisa e riesgo di wordo gedat pa rayo. Nan mensahe ta cla: seguridad mester ta un prioridad durante condicionnan di tormenta pa preveni incidentenan similar.

“Nos pensamiento y simpatia ta cu e herido- y nan famianan durante e tempo dificil aki,” un vocero di KPSM a declara. *“Nos lo sigui monitor nan condicionnan y provee e sosten necesario.”* Residente- y bishitantenan ta wordo encurasha pa keda informa door di sintonisa canalnan di noticia local y sigui avisonan for di e Departamento Meteorologico di St. Maarten pa mas actualisacion y informacion di seguridad.

Reserva Awo!

avianca.com

Ban Medellin!

the sky belongs to all of us

Tur Dialuna,
Diaranson, Diabierna
y Diadomingo

CUMINSANDO NA

US\$100

pa Round Trip

ARUBA AIRPORT AUTHORITY

E opcionnan di Maduro despues di e eleccion presidencial disputa di Venezuela

E secuela di e eleccionnan presidencial hopi discuti na Venezuela a laga presidente Nicolás Maduro enfrentando presion sin precedente tanto den e pais como den exterior. Democracia global a condena e resultado electoral casi unanimamente y ta pidiendo un conteo di voto transparente pa valida e afirmacion di e oposicion di un victoria aplastante riba Maduro. E controversia aki a bira mas profundo ora aliadonan di Maduro, incluyendo e presidentnan di banda robes di Brasil y Colombia, a uni cu Merca pa expresa nan preocupacion serio pa e integridad di e eleccion.

Aunke autoridadnan electoral na Venezuela a declara Maduro como ganado pa un margen di shete punto, lider opositor Edmundo González ta afirma di a gana pa mas di un margen di 2 pa 1. E contraste fuerte den e resultadonan informa a conduci na un enfrentamento politico significativo. Maduro a contesta firmemente door di declara su victoria, detene oponentenan y menasa cu lo aresta González. E enfoke aki a intensifica e crisis politico y a isola Venezuela ainda mas riba e escenario mundial.

Mirando e echonan aki, Maduro ta enfrenta varios posibel curso di accion. Un opcion ta pa ordena un repeticion di e eleccion, e biaha aki cu observadonan internacional pa garantisa transparencia y credibilidad. E medida aki lo rekeri negociacionnan substancial cu e oposicion y potencialmente cu Merca, cu e meta di establece un acuerdo pa comparti poder y posiblemente sigura proteccion di Maduro y su aliadonan contra e huicio. E decision aki, aunke desafiante, por yuda restaura cierto legitimidad na su



liderazgo.

Alternativamente, Maduro por opta pa mantene su postura actual di liña duro, sigui reprimi e oposicion y defende su reclamo di victoria. Mientras cu e caminda aki por permiti'e retene poder den corto plaso, e ta core riesgo di alinea ainda mas e comunidad internacional y exacerba e disturbio interno. E uzo continuo di intimidacion y represion por conduci na mas aislamiento y dificultadnan economico pa Venezuela, destabilizando ainda mas e nacion.

Otro strategia potencial pa Maduro ta pa busca apoyo adicional di nacionnan aliado manera Rusia y China. Sigurando asistencia economico y militar, Maduro por reforsa su regimen contra presion externo y disidencia interno. Sinembargo, e enfoke aki por duna solamente alivio temporal y por aproba e dependencia di Venezuela di e nacionnan aki, complicando su perspectivanan futuro di gobernacion independiente y recuperacion economico.

Manera e situacion ta, e bentana pa Maduro reconsidera su posicion ta cerando lihe. Ya cu e Consejo Nacional Electoral ya a proclama e ganado oficial, su proximo movimiento lo ta crucial pa duna forma na e futuro politico di Venezuela y su relacion cu comunidad global. Sea via negociacion y compromiso of desafio continuo, E decisionnan di Maduro den e proximo dianan lo ta fundamental pa determina e caminda pa sigui di e pais.

Reserva Awo!
spirit.com

Ban Fort Lauderdale pa zomer vakantie!

Book bo aventura pa Fort Lauderdale cu Spirit

AUA
ARUBA AIRPORT AUTHORITY

Presidente di Panama ta bisa cu

Repatriacion di migrantenan cu ta crusa e Darien Gap lo ta boluntario



E presidente di Panama, José Raúl Mulino, a anuncia diahuebs cu migrantenan cu drenta Panama via e Darien Gap peligroso lo wordo repatria solamente si nan ta di acuerdo boluntariamente pa regresa nan paisnan. E declaracion aki potencialmente ta suavisa e impacto di e control di inmigracion mas estricto cu Mulino tabata promove anteriormente.

Mulino, cu a asumi cargo dia 1 di juli, a priminti di frena e fluho creciente di migrantenan for di Colombia y a logra un acuerdo pa e gobierno Mericano financia vuelonan di repatriacion. Sinembargo, durante su prome conferencia di prensa semanal, el a enfatisa e rol limita di Panama den atende e problema.

“Esaki ta un problema Mericano cu nos ta manehando. Hendenan no kier biba aki na Panama, nan kier bay Merca,” Mulino a declara. El a agrega cu si migrantenan no kier regresa nan paisnan di origen, *“anto nan lo bay (Merca). Mi no por detene nan; nos no por repatria nan forzosamente.”*

Na 2023, un cantidad record di 500,000 migrante a crusa e Darien Gap. E aña aki, mas di 212,000 migrante a haci e

biahe. E Servicio Nacional di Frontera a reporta cu 11,363 migrante a crusa desde cu Mulino a asumi cargo, mas o menos 9,000 menos cu e mesun periodo aña pasa. Polis di frontera di Panama a instala mas o menos tres miya di waya di hero pa blokea cierto camindanan y dirigi migrantenan na un solo punto di recepcion.

Mulino a splica cu e procesonan di repatriacion ta wordo goberna pa acuerdonan internacional pero no a elabora riba e motibo pakico Panama no por deporta migrantenan cu a drenta ilegalmente. Ela urgi migrantenan cu sobreviví e crusada peligroso di Darien pa considera cuidadosamente si nan kier continua nan biahe of regresa cas.

Mulino tambe a expresa speranza cu e eleccion presidencial di Venezuela dia 28 di juli por reduci e cantidad di migrantenan Venezolano, cu ta constitui mas cu mita di esnan cu ta crusa e Darien. *“Practicamente henter Venezuela ta canando door di eynan tur dia,”* Mulino a remarca. *“Si e eleccionnan den e pais ey wordo hiba a cabo corectamente, respetando e voluntad popular sin importa ken gana, mi ta sigur cu e cantidad ey lo baha.”*

Hamas den ‘Shock’ pa morto di Haniyeh



E Grupo Palestino arma ‘Hamas’ ta den “estado di shock” despues di asesinato di nan lider politico, Ismail Haniyeh, segun funcionarionan halto. Haniyeh, di 62 aña, a muri den un atake Israeli den oranan di mainta di diaranson na Iran. Como un figura prominente for di fin di añanan 1980, Haniyeh tabata wordo ampliamente considera como e lider general di Hamas.

Haniyeh, hefe di e buro politico cu cede na Qatar, tabata crucial den e acercamento di Hamas na gobiernonan regional y su aliansa cu Teheran y gruponan di poder rond Medio Oriente. A pesar di ta busca pa funcionarionan Israeli pa lunanan largo, el a sigui opera den un forma relativamente habri, haciendo tres biahe pa Iran desde e atakenan di 7 di october na

Israel. Su ekipo di proteccion recientemente a veto un proposicion di biahe pa Libanon pa motibo di preocupacion di seguridad.

E asesinato di Haniyeh a acelera un lucha di poder interno den Hamas, ya cu su succion ya tabata un tema di discusion. E constitucion di Hamas ta impedi cualkier hefe di oficina politico di cumpli mas cu dos mandato, y ta spera cu lo eligi un candidato nobo pa 2025. Su morto por intensifica e rivalidad den e movimiento entre esnan cu ta faborece un acuerdo negocia y elementonan extremista mas estrechamente alinia cu Iran.

A pesar di e agitacion den liderazgo, un oficial di Hamas a enfatisa cu “ Hamas ta un idea, Hamas ta un ideologia. E asesinato di e lider lo no cambia Hamas ni haci’e entrega.” E declaracion aki ta sugeri un esfuerzo pa minimalisa tensionnan interno . Sinembargo, Director di CIA, Bill Burns, recientemente a nota divisionnan emergente entre e comandantenan halto di Hamas, y algun a boga pa mas flexibilidad den e negociacionnan y aceptacion di un acuerdo di cese di candela cu rehennan.

E candidatonan principal pa sucedi Haniyeh ta inclui Yahya Sinwar, Khaled Meshaal y Zaher Jabareen. Sinwar, e hefe di e grupo na Gaza y cu ta kere cu e ta tras di e atakenan di 7 di october, ta wordo considera e favorito. Meshaal, anteriormente hefe di e buro politico, tin un relacion tenso cu Iran. Jabareen, responsabel pa e prizoneronan Palestino, por hunga un rol clave den e negociacionnan di intercambio di prizonero cu Israel.

E eleccion di un lider nobo probablemente ta un proceso prolonga, complica pa e status dispersa y busca di miembronan di e buro politico den henter Medio Oriente. Hamas su respuesta na morto di Haniyeh lo wordo vigila di cerca, ya cu e por indica e alcance di e daño na su infraestructura militar y afecta e negociacionnan di paz cu ta tumando luga cu Israel. E morto di Haniyeh ta elimina un figura clave mira como capaz di negocia un acuerdo pa motibo di su relacionnan diplomatico den e region.

Reserva Awo!

southwest.com

Ban Orlando pa zomer vakantie!

Book bo aventura pa Orlando cu Southwest

MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :

- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**

FARANDULA

Stray Kids a logra un paso historico

Nan di cinco album consecutivo na number 1 riba Billboard 200



STRAY Kids a marca historia cu e lansamento di nan ultimo mini album, “ATE,” cu a sigura nan di cinco debut consecutivo na number 1 riba e Billboard 200. E logro innovativo aki ta marca nan como e prome grupo den historia pa debuta cinco album na top di e prestigioso chart aki.

Lansa na juli 2024, “ATE” ta continua e racha impresionante di e grupo, siguiendo nan albumnan anterior cu a yega number 1: “Oddinary,” “Maxident,” “5-STAR,” y “Rock-Star.” E exito di e album ta atribui na su zonido innovativo y e sosten fuerte di nan base di fanatico dedica, cu a contribui n’e prestacion remarcabel di e album den su prome siman. Segun Billboard, “ATE” a vende 232,000 unidad ekivalente di album den su siman di debut, cu ta inclui benta fisico, download digital, y actividad di streaming.

E debutnan number uno consecutivo di Stray Kids ta pone nan banda di artistanan renombra manera Taylor Swift y Alicia Keys, cu tambe a logra multiple album consecutivo na top di chart den un periodo cortico. E exito di e grupo ta subraya nan impacto significativo riba e industria di musica y ta solidifica nan posicion como un forsa lider den K-pop.

Ademas di domina e Billboard 200, “ATE” tambe a haci entradanan notabel riba chartnan internacional. E album a debuta na number 30 riba e UK Official Singles Chart Top 100, nan posicion mas halto te awor, y a drenta e Official Albums Chart Top 100 na number 62. Tambe el a yega number 1 riba e French Albums Chart (SNEP), a sigura e number 2 riba e German Official Charts (Offizielle Deutsche


Charts), y a yega number 7 riba e Dutch Album Top 100 chart.

E exito di Stray Kids na top di chart ta un refleho di nan influencia creciente den e escena musical global. Conoci pa nan musica produci pa nan mes, e grupo a wordo elogia pa nan control creativo y zonido innovativo, cu ta resona cu un audiencia internacional diverso. Nan actuacionnan dinamico y letternan relatable a gana nan un base di fanatico global dedica y numeroso reconocimiento.

Mas aleu di nan exito riba chart, Stray Kids tambe a haci avancenan significativo den presentacionnan en bibo. Nan a encabesa festivalnan grandi manera I-Days Milano y BST Hyde Park na 2024, atrayendo multitud di 70,000 y 65,000, respectivamente. E grupo tambe ta preparando pa nan gira mundial “dominATE,” primintiendo presentacionnan yen di energia rond mundo, y ta programa pa encabesa Lollapalooza na Chicago, resaltando ainda mas nan prominencia den e industria di musica.

E trayecto di Stray Kids for di nan debut te na bira un forsa lider den e industria ta un testimonio di nan talento, trabou duro, y e sosten inquebrantabel di nan fanaticonan. Nan habilidad pa consistentemente produci y presenta musica cu ta conecta cu audiencianan rond mundo ta posiciona nan como un grupo pa observa den e añanan binidero. Cu un base di fanatico fuerte y un compromiso na excelencia creativo, Stray Kids ta cla pa sigui forma e futuro di musica. Music video: [Stray Kids “Chk Chk Boom” M/V](#)

Christian Nodal y Ángela Aguilar a casa na Morelos



E cantantenan Mexicano Christian Nodal y Ángela Aguilar a casa diaranson na Hacienda San Gabriel de las Palmas, na Morelos. E tata di e bruid, Pepe Aguilar, a confirma e enlace compartiendo potretnan riba Instagram, acompaña pa un mensahe alentador tocante e futuro di e pareha. Nodal, di 25 año, y Aguilar, di 20 año, a anuncia nan relacion na juni, algun siman despues di e separacion di Nodal di e cantante Argentino Cazzu, mama di su yiu muhe Inti. E casamento civil a conta cu alrededor di 45 invitado, entre nan Marc Anthony y Nadia Ferreira.

Pepe Aguilar a destaca e importancia di respet y responsabilidad den e matrimonio di su yiu muhe y Nodal. Tambe el a menciona e acoso di media cu nan a enfrenta, subrayando cu, a pesar di nan hubentud, nan amor por prospera cu esfuerzo y compromiso.

Abogado di Justin Timberlake ta pidi pa

Desestima cargonan di core auto burachi



E abogado di Justin Timberlake, Edward Burke, a pidi pa desestima e acusacionnan di core auto bou influencia contra e artista, argumentando cu e no tabata burachi na momento di su detencion. Timberlake,


di 43 año, a wordo aresta dia 18 di juni na Sag Harbor Village, New York, despues di a pasa un señal di “Stop” y desvia for di su liña mientras e tabata core su BMW. Despues di a come na un restaurant local, Timberlake tabata bayendo pa cas di un amigo ora cu el a wordo

para. El a pasa e anochi den e warda di polis y a wordo acusa di core auto burachi. Actualmente, e Prins di Pop ta riba tour na Europa cu su “The Forget Tomorrow World Tour” y no a asisti n’e audiencia di e caso diabierna pasa, pero lo participa via videoconferencia dia 2 di augustus. Hues Carl Irace lo revisa un mocion di Burke, kende ta afirma cu e denuncia policial ta contene “defectonan” y ta confia cu e acusacionnan lo wordo retira.

Céline Dion a canta na Weganan Olímpico di Paris 2024 a pesar di su malesa

NA apertura di e Weganan Olímpico Paris 2024, Céline Dion, a pesar di ta sufri di e síndrome di persona rigido (SPR), a haci un aparicion memorabel cantando “Hymne à l’amour” di Edith Piaf for di e Toren Eiffel. Cu su 56 año y luchando contra e malesa neurológico raro y inculabel aki cu ta causa spasma y rigidez muscular, Dion a impresiona e publico cu su bos poderoso den un anochi yena di awasero Paris. Su intervencion, aunke cortico, a wordo aclama cu un ovacion.

Dion, kende mester a cancela su gira mundial Courage World Tour na 2023 debi na su problemanan di salud, a demostra un esfuerzo admirabel logrando controla su musculonan p’e actuacion special aki. Su reaparicion, ampliamente rumora, a wordo confirma ora e cantante a yega Paris, marcando un momento iconico den e ceremonia di apertura di e →





Gratis Back to School Haircuts!

San Nicolas: 4 augustus
Dakota: 11 augustus

Registracion:
Entre 9am-4pm
Tel. 582 2219

EDAD 4-12

**Pa muchanan cu no tin
posibilidad di corta
cabey y paga!**

Weganan Olímpico, unda e vlam olimpico tabata eleva riba e Hardinnan di Tuileries.

Robert Downey Jr. ta bolbe Marvel como Doctor Doom



DEN un giro inespera, Robert Downey Jr. a revela na Comic-Con di San Diego cu e lo bolbe n'e universo di Marvel interpretando e villano Victor Von Doom, tambe conoci como Doctor Doom. E anuncio a wordo

haci durante e panel di Marvel Studios, unda Downey Jr., anteriormente conoci pa su rol como Iron Man, a sorprende e publico presente ora el a aparece cu un mascara berde y un trahe similar. Su regreso lo ta den e proximo pelicanan di Avengers: Domsday y Secret Wars, dirigi p'e rumannan Russo. Downey Jr. a interpreta Iron Man desde 2008, pero su personahe a fayece den Avengers: Endgame (2019). Ademá, na Comic-Con a presenta e actornan Pedro Pascal, Vanessa Kirby, Joseph Quinn y Ebon Moss-Bachrach como parti di e elenco di The Fantastic Four First Steps, dirigi pa Matt Shakman y programa pa estrena dia 25 di juli 2025. Tambe a muestra un adelanto di Deadpool & Wolverine, cu


Ryan Reynolds y Hugh Jackman.

Tragedia den Les di Baile:

Taylor Swift ta expresa su dolor y fanaticonan ta recauda fondo

DIALUNA, un atake na un centro recreativo na Southport, Inglatera, a laga tres mucha muhe morto y varios herida mientras nan tabata participa den un les di yoga y baile inspira pa Taylor Swift. E agresor, un hoben di 17 aña deteni n'e sitio, a wordo acusa di homicidio intencional. Polis a descarta un acto terrorista. Taylor Swift a expresa su conmocion riba rednan social, destacando e tragedia y e perdida di inocencia. Mientrastanto, e fanaticonan di Swift, conoci como "swifties", a lansa un campaña di recaudacion di fondo via JustGiving. E iniciativa, cu inicialmente tabata busca 13,000 pound, a surpasa e 127,000 pound danki na mas di 8,000 donante. E fondonan lo wordo destina pa yuda e famianan afecta y pa cubri e gastonan di entierro.

Shakira a yega 4.000 miyon di 'views' riba YouTube cu 'Waka Waka'



E cantante conoci di Barranquilla, Shakira, a logra un record nobo riba YouTube door di bira e di dos hende muhe den historia di e plataforma cu a surpasa 4.000 miyon di 'views'. Su cancion iconico "Waka Waka (This Time for Africa)", lansa na 2010 p'e Mundial di Futbol na Sur Africa, a alcanza 4.000.318.479 reproduccion.

E logro aki ta posiciona Shakira como e di dos artista femenino cu mas views riba YouTube, solamente tras di Katy Perry. E video musical di Perry pa su exito "Roar" ta lidera e lista cu 4.030.225.738 views, superando Shakira pa mas di 30 miyon di reproduccion.

E hito nobo aki ta destaca e impacto continuo y popularidad di Shakira den e musica global, ademá di celebra e exito di su album recien "Las mujeres ya no lloran", un di esnan mas destaca di 2024.

APPAREL

BOAT ACCESSORIES

TOD-MAR

[f TodomarAruba](#)
[@TodomarAruba](#)
[i TodomarAruba](#)
[+297 585 0555](#)

FISHING TACKLE

FIBERGLASS PRODUCTS

Carrie Underwood lo reemplaza Katy Perry como hues den ‘American Idol’



CARRIE Underwood, e cantante di musica country ganado di Grammy y ex-ganado di “American Idol”, lo uni n’e show como hues p’e temporada cu ta bin. Segun un fuente cerca di e produccion, Underwood lo reemplaza Katy Perry, kende a anuncia su salida na comienso di e aña aki despues di shete temporada riba e panel di hues. Underwood lo uni n’e huesnan Lionel Richie y Luke Bryan cu ta bolbiendo ora e competencia popular di canto cuminsa su di 23 temporada otro aña. Perry, durante un aparicion riba “Jimmy Kimmel Live,” a splica cu su decision pa baha a wordo influencia p’e conexon profundo cu ela forma cu e audiencia di e show durante e añanan. Underwood, kende a gana “American Idol” na 2005 durante su di cuatro temporada, ta emociona pa bolbe n’e show cu a lansa su carrera. ABC a nenga di comenta, y e representantenan di Underwood ainda no a responde na preguntanan.

Marc Anthony ta cancela concierto na Caracas debi na agitacion politico



MARC Anthony a cancela su concierto na Caracas, programa pa 27 di augustus, citando reciente disturbio

politico despues di e eleccion presidencial Venezolano. E cantante a anuncia su decision riba rednan social, expresando su decepcion y preocupacion p’e pais. E eleccionnan, declara p’e Consejo Nacional Electoral (CNE), a duna como ganado Nicolás Maduro cu 51,2% di e votonan. E resultado aki a keda cuestiona internacionalmente y nacionalmente. Varios pais, incluyendo Merca y Argentina, a nenga di reconoce e reeleccion di Maduro, cuestionando e legitimidad di e eleccion. E lidernan di e oposicion na Venezuela a afirma cu Edmundo González Urrutia realmente a gana cu 70% di e votonan, segun su actonan transmiti. Protesta a cuminsa na henter e pais, cu a causa mas di 1.000 detencion. Detayenan di e reembolso di e concierto lo ser duna pa Invershow y Mi Tikera dia 5 di augustus. Anthony a expresa su speransa pa bishitanan futuro den miho circunstancia.


‘Squid Game’ lo conclui cu temporada 3



E serie Koreano exitoso di Netflix, “Squid Game”, lo termina cu un di tres temporada na 2025. E drama ganado di Emmy lo regresa cu su di dos temporada dia 26 di december, segun anuncia pa Netflix diaranson. E serie distopico, situa na Seoul, ta sigui participantenan den weganan infantil mortal pa gana un premio grandi den placa. E creador Hwang Dong-hyuk a expresa su emocion pa regresa na produccion, yamando e un experiencia surreal.

Den Temporada 2, Hungado 456, Gi-hun (Lee Jung-Jae), determina pa descubri esnan tras di e weganan, ta uza su ganashi pa track e homber den e trahe elegante hungando ddakji den e metro. Su buskeda ta resulta di ta mas peligroso cu spera, forsando e pa drenta e wega atrobe.

“Squid Game” a bira e show mas grandi di Netflix na su debut na 2021 y tabata e prome serie no-Ingles nomina p’e serie dramatico sobresaliente n’e Emmys, ganando 14 nominacion y victorianan historico pa Jung-jae y Dong-hyuk.



WEGANAN OLIMPICO PARIS 2024

#TEAMARU:

Ethan Westera ta avansa pa cuartonan di final den windsurfing masculino



ETHAN Westera a sigura su puesto den e cuartonan di final di e competencia di Windsurfing Masculino, despues di un rond competitivo di tres dia. Despues di completa un total di 13 careda, Westera a posicioná su mes entre e top 10 competidonan. Den e caredanan di ayera, Westera a demostra un habilidad y consistencia remarcabel. El a logra un di 8 luga den su prome careda, sigui pa un impresionante di 2 luga den e di dos, y un di 6 luga den e careda final di dia. E resultadonan aki a pone na di 9 luga overall riba e tabla di lidernan.

E cuartonan di final ta programa pa cuminsa awe pa 2'or di atardi, ora di Paris (8'or di mainta, ora di Aruba). Fanaticonan ta ansioso pa mira con Westera lo actua mientras e ta sigui competi pa un posicion top den e evento prestigioso aki. Hopi exito na Ethan Westera!

#TEAMARU:

Mikel Schreuders cu un tremendo prestacion



E landado Arubano Mikel Schreuders a entrega un tremendo presentacion n'e Weganan Olimpico Paris 2024. Compitiendo

den e 50m estilo liber, Schreuders a landa den heat 6, liña 6, marcando un bunita tempo di 22.14 seconde, sigurando e di 3 luga den su heat. For di 74 competido, Schreuders a termina na di 26 luga overall despues di 10 heat. Aunke e no a avansa p'e semi-final, cu ta rekeri un resultado den e top 16, su esfuersonan tabata di admira.

Esaki ta marca e di tres aparicion Olimpico di Schreuders, un logro notabel como e prome atleta Arubano pa cualifica cu un tempo A. E Comité Olimpico Arubano a expresa orguyo den Schreuders pa su dedicacion y representacion ehemplar di Aruba den e deporte di landamento.

E trayecto di Mikel Schreuders na Paris 2024 ta destaca su compromiso inkebrantabel y ta sigui inspira atletanan aspirante di Aruba.

#TEAMARU:

Just van Aanholt a cuminsa competi den Marseille




E spirito competitivo ta bibo y presente mientras Just van Aanholt ta cuminsa su participacion den e disciplina di Men's Dinghy awe. Representando nos isla cu orguyo, van Aanholt ta un di dos atleta cu ta muestra nan talento riba e escenario internacional aki. Van Aanholt a cuminsa su caredanan merdia, completando exitosamente dos di e dies caredanan programa. Su actuacion den e prome careda a hib'e na un di 26 luga, mientras el a sigura e di 39 luga den e di dos careda. E resultadonan aki ta posicion'e na di 37 luga overall den e clasificacion te awor. E competencia ta leu di caba, ya cu van Aanholt ta programa pa continua su buskeda pa excelencia mañan cu dos careda mas programa. E comunidad di e isla ta observa cu anticipacion y sosten mientras e ta competi na Marseille, ansioso pa mira su progreso den e →

eventonan venidero.

Yusuf Dikeç:

E tirado olimpico viral di Turkia cu “Aura Increibel” ta gana medaya di plata



YUSUF Dikeç di Turkia a logra e medaya di plata den e competencia mixto di pistol di aire na Weganan Olímpico, formando ekipo cu Seval Ilayda Tarhan. E enfoke casual di Dikeç - tirando cu bril di tur dia y un man den su saco - tabata un contraste skerpi cu e ekiponan high-tech di su competidonan, haciendo di dje un sensacion viral. Dikeç, di 51 aña, ta atribui su estilo unico na comodidad y ekilibrio, preferiendo tira cu ambos wowo y ekipo minimal. Su actitud relaha y su “aura increibel” a konkista fanaticonan rond mundo. Rednan social a explota cu admiracion, yamando su confiansa y enfoke “di nivel superior.” A pesar di competencia fuerte di e ganadonan di oro di Serbia, Zorana Arunović y Damir Mikec, y e ganadonan di brons di India, Manu Bhaker y Sarabjot Singh, Dikeç a horta e show. Su popularidad a aumenta ainda mas ora cu fanaticonan a descubri su amor pa pushi riba Instagram. Dikeç tin como meta pa gana oro n’e Weganan di 2028 na Los Angeles, continuando su trayecto como un leyenda deportivo.

Léon Marchand:

Un leyenda nobo di natacion Frances



LÉON Marchand a cautiva e publico local na La Défense Arena, birando un leyenda di natacion Frances door di gana dos medaya di oro individual den un solo anochi. E arena, yen di fanaticonan entusiasmo cu banderanan tricolor, a explota cu gritonan di “Lé-on! Lé-on!” mientras Marchand a subi piscina. Den su prome careda, e 200 meter

butterfly, Marchand tabata tras di Kristóf Milák di Hungria te ora cu un ultimo 50 meter poderoso a sigura su victoria y un record Olimpico. E energia di e publico a alimenta su triunfo, manera el a reconoce despues.

Despues di un descanso cortico, Marchand a bolbe p’e 200 meter breaststroke, dominando e careda y estableciendo un otro record Olimpico. E sosten vibrante di e arena tabata constante mientras Marchand a gara su di dos oro. Reflexionando riba su logro, Marchand a expresa asombro

y determinacion, mientras su coach, Bob Bowman, a nota e importancia di maneha exito. E anochi historico aki ta marca e surgimento di un strea Olimpico nobo.

Despues di derota den dobel cu Carlos Alcaraz

E trayectoria olimpico di Rafael Nadal ta caba



E trayectoria Olimpico legendario di Rafael Nadal a yega su final n’e Weganan di Paris 2024. Haciendo ekipo cu su compatriota Spaño Carlos Alcaraz, Nadal a sali for di e cuarto di final di e dobbel masculino riba 31 di juli despues di un derota di 6-2, 6-4 contra e duo Mericano Austin Krajicek y Rajeev Ram. A pesar di e pareha prometedor ‘Nadalcaraz’, e formidabel ekipo Mericano, cu nan cinco titulonnan →

Beauty Bar
by Jen

+297 730 1486
SABANA BLANCO 40
ORANJESTAD, ARUBA

Beauty Bar
P.M.U &
LASH ARTIST **By JEN**

Specialised in

Brows, lips & Eyeliner • Pedicure • Microblading
• Powderbrows • Threading • Brow Lamination
• Lip pigmentation & blush • Eyeliner

Beauty Bar by Jen

beautybar_byjen



Mirrors Beauty Academy ta ofrece e siguiente servicionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

di Grand Slam dobbel combina, a demostra di ta mucho fuerte. Nadal, kende anteriormente a gana oro individual na Beijing 2008 y oro den dobel na Rio 2016, tambe a mira su campaña individual termina mas trempa cu un derota di 6-1, 6-4 contra Novak Djokovic. E tenista di 38 aña, competiando den su di cuater Weganan Olimpico, a despedi di e fanaticonan na Court Philippe-Chatrier, unda el a sigura 14 di su 22 titulon di Grand Slam. E futuro di Nadal den tennis ta keda insigur, ya cu el a sugeri cu e lo tuma un decision despues di e Weganan Olimpico.

Pan Zhanle ta establece record mundial den 100m freestyle masculino



DEN un actuacion espectacular n’e Weganan Olimpico di Paris 2024, Pan Zhanle a kibra e record mundial pa gana e medaya di oro den e 100m freestyle masculino. E logro impresionante aki a destaca e eventonan di landamento, mustrandu e velocidad y tecnica excepcional di Zhanle. Su victoria ta agrega un marco significativo na su carera y ta establece un nivel nobo den e deporte. E competencia tabata feroz, cu landadonan di rond mundo competiando p’e miho honor. Sinembargo, e tempo remarcabel di Zhanle a pone su dilanti di e grupo, solidificando su posicion como e landado mas lihe den e categoria aki. Su triunfo a wordo celebra pa fanaticonan y otro atletanan, marcando un ocasion memorabel den e historia Olimpico. E eventonan di landamento na Paris 2024 tabata emocionante, cu numeroso recordnan kibra y actuacionnan sobresaliente den varios categoria. E landamento cu a kibra record di Pan Zhanle ta destaca como un punto culminante, primintiando un futuro emocionante pa landamento competitivo.

Den dobel scull femenino Brooke Francis y Lucy Spoors di New Zealand ta captura oro



BROOKE Francis y Lucy Spoors di New Zealand a logra un victoria remarcabel den e final di dobbel scull femenino n’e Weganan Olímpico di Paris 2024, terminando e dominio di Ancuta Bodnar y Simona Radis di Romania. E duo di New Zealand a cruza e liña di meta na Vaires-sur-Marne Nautical Stadium den un tempo di 6:50.45, ganando apenas di Bodnar y Radis, kendenan a termina cu un tempo di 6:50.69. E pareha Rumano, dos biaha campeon mundial reinante y medayista di oro na Tokyo 2020, a wordo derota den un careda emocionante. Mathilda Hodgkins Byrne y Rebecca Wilde di Gran Britania a sigura e brons cu un tempo di 6:53.22. E victoria di Francis y Spoors ta wordo celebra como un logro significativo, mustrandu nan habilidad excepcional y determinacion.

Hulanda a gana oro den final di remo femenino di cuater



DEN un final impresionante n’e Weganan Olímpico di Paris 2024, Hulanda a sigura un medaya di oro →



dramatico den e final di remo femenino di cuater, ganando di Gran Britania pa apenas 0.18 seconde. E ekipo Hulandes, consistiendo di Marloes Oldenburg, Hermijntje Drenth, Tinka Offereins, y Benthe Boonstra, a crusa e liña di meta cu un tempo di 6:27.13. E victoria aki tabata particularmente significativa ya cu el a interumpi e racha invicto di Gran Britania pa 2024 y a kibra e speranza di Helen Glover pa un di tres medaya di oro Olímpico. Glover, competiendo cu su compañeronan di ekipo Britanico Esme Booth, Sam Redgrave, y Rebecca Shorten, a keda cu plata. Mientras tanto, New Zealand a gana e medaya di brons den e careda sumamente competitivo. E final emocionante a demostra un rivalidad intenso y actuacionnan excepcional di e miho nacionnan di remo di mundo.

Boxdo Algeriano Imane Khelif ta gana pelea olimpico controversial



BOXDO Algeriano Imane Khelif a gana su prome pelea n'e Weganan Olímpico di Paris despues cu su contrincante Italiano, Angela Carini, a bandona e pelea apenas 46 seconde despues di e inicio, citando dolor intenso na su nanishi. E participacion di Khelif a genera controversia despues di su descualificacion for di e campeonatonan mundial di 2023 debi na nivelnan eleva di testosterona. A pesar di e controversia, Carini a clarifica cu su retiro tabata debi na lesion, no un declaracion politico. Khelif, un medayista di plata mundial di 2022, a enfrente tanto aplauso como confusion for di e publico. E Comité Olímpico Internacional (IOC) a defende e elegibilidad di Khelif, enfatisando e adherencia na reglanan di competencia. Premier Italiano Giorgia Meloni a critica e decision, argumentando pa standard di competencia igual. E debate aki ta destaca e scrutinio mas amplio

riba elegibilidad di genero den deporte, cu varios federacion ta actualisando nan politica. Khelif lo continua su trayecto Olimpico memey di discusionnan continuo tocante husticia y derechonan di atleta den deportenan di combate.

Simone Biles ta conquista su segundo oro olimpico All-Around



DEN un demostracion emocionante di resiliencia y habilidad, Simone Biles a sigura su segundo medaya di oro Olímpico all-around n'e Weganan di Paris 2024. Riba 1 di augustus, Biles a enfrente un reto trempan despues di un rutina menos cu perfecto riba e "uneven bars", terminando na di tres luga tras di Rebeca Andrade di Brazil y Kaylia Nemour di Algeria. Biles a lucha riba e bars, logrando un score di 13.733, pero a recupera fuertemente cu un impresionante 14.566 riba e "balance beam." Drentando e ehercicio final di vloer, Biles tabatin un bentaha chikito di .166. El a entrega un actuacion dominante, ganando un total di 59.131 punto pa conquista oro, superando Andrade (57.932) y e campeon di Tokyo 2020 Suni Lee, kende a tuma brons cu 56.465. Biles a cuminsa e competencia cu un "Yurchenko double pike vault" impecable, scoreando 15.766. E victoria aki ta marca e continuacion di Biles di un racha invicto den eventonan all-around desde comienso di 2013.

DEPORTE

deporte@awemainta.com

Kansas City Chiefs cu meta pa un tercer Super Bowl consecutivo historico



E Kansas City Chiefs, lidera pa Patrick Mahomes, ta luchando pa logra un hazaña historico door di gana tres Super Bowl consecutivo. A pesar di enfrenta un temporada dificil año pasa, e Chiefs a logra segura un otro victoria di Super Bowl, demostrando nan resiliencia y talento. Cu un roster fortaleci y e meta di haci historia den NFL, Chiefs ta prepara pa domina un biaha mas.

Den historia di NFL, solamente e Green Bay Packers a gana tres campeonato consecutivo, logrando e hazaña aki na 1929-31 y atrobe na 1965-67. Sinembargo, ningun team a gana tres Super Bowl consecutivo, haciendo e buskeda di Chiefs ainda mas significativa. E logro potencial aki lo pone e Chiefs den un posicion unico, separando nan for di tur otro team den e era di Super Bowl.

E movecionnan di Chiefs den e offseason a fortalece nan chens di haci historia. E adicon di e escogencia di prome ronda di draft Xavier Worthy y e adkision di agente liber Marquise Brown a fortalece nan cuerpo di recibido, aunke un posibel suspension pa Rashee Rice por presenta un reto. A pesar di a perde e cornerback L'Jarius Sneed, e defensa ta keda fuerte, cu hungadonan clave manera Chris Jones y

Michael Danna continuando na ancla e unidad. Cu Mahomes liderando e team, e Chiefs ta bon ekipa pa sigui nan meta historico.

A traves di historia di NFL, ocho team a gana Super Bowl back-to-back pero no a logra segura un tercer. Factornan manera rosteronan cu ta birando bieu y retironan clave hopi biaha a stroba e intentonan aki. Sinembargo, Chiefs ta kere cu nan ta den un posicion mas fuerte cu antes, cu un offseason solido y un roster cu ta mehorando. Nan determinacion pa logra un three-peat historico ta separa nan for di teamnan anterior.

Patrick Mahomes, ya considera un di e miho quarterbacks di tur tempo, ta lidera e team dinamico aki. Su habilidad pa converti un temporada dificil den un otro victoria di campeonato ta subraya su grandesa. E persecucion di Chiefs pa un tercer Super Bowl consecutivo no ta djis tocante agrega un otro titulo pero solidifica nan legado den historia di NFL. E temporada aki, e Chiefs tin e oportunidad pa logra algo realmente extraordinario y cementa nan luga como un di e teamnan mas grandi di semper.

Padres ta reforsa bullpen cu e All-Star Tanner Scott n'e deadline di cambio



DEN un movecion pa mehora nan bullpen y aumenta nan chens pa un trayecto profundo den e playoff, San Diego Padres a haci intercambionan significant n'e Deadline di Cambio. E acuerdo principal tabata un intercambio di seis hungado cu Miami Marlins cu a trece e lansado surdo All-Star Tanner Scott pa San Diego. Hunto cu Scott, Padres a adkiri e lansado drechi Bryan Hoeing, mandando cuater prospecto pa Miami, incluyendo nan prospecto No. 2, e lansado surdo Robby Snelling.

Padres tambe a haci movecionnan adicional pa atende nan necesidadnan di picheo. Nan a adkiri e lansado surdo Martín Pérez for di e Pittsburgh Pirates y e outfielder Brandon Lockridge for di e New York Yankees. E intercambionan aki tabata parti di un strategia mas amplio pa fortalece nan rooster prome cu e post-temporada. Cu un ofensa fuerte caba na luga, e enfoke tabata claramente riba picheo, particularmente den e bullpen.

E intercambio cu Marlins a costa Padres algun talento prometededor. A cambio di Scott y Hoeing, nan a entrega Snelling, e lansado drechi Adam Mazur (nan prospecto No. 4), infielder/

outfielder Graham Pauley (No. 5), y infielder Jay Beshears (No. 24). E paquete substancial aki ta destaca e compromiso di Padres pa fortalece nan bullpen, cu tabata un punto debil durante henter e temporada.

Gerente General A.J. Preller a enfatisa e importancia di tin un bullpen confiabel p'e playoffs. *"Historicamente, bo djis mester algun hende cu por saca out cu batidanan grandi,"* Preller a bisa.

"Teniendo un grupo cu ta spera di corta e wega, nos a mira algun team gana campeonatonan di e manera ey." E adicionnan di Scott y Adam, combina cu e closer All-Star Robert Suarez y e setup man Jeremiah Estrada, ta aumenta significativamente e capacidadnan di bullpen di Padres.

Mientras cu Padres a mehora nan bullpen, e rotacion ta keda un punto di preocupacion. A pesar di esaki, Preller ta kere cu e bullpen fortaleci lo ta un activo clave. Manager Mike Shildt a ripiti e sentimento aki, notando cu e adicionnan nobo lo haci e team mas fuerte y mas competitivo den weganan preta. E intercambionan di e Padres n'e Deadline a transforma nan bullpen den un unidad formidabel, posicionando nan bon pa un posibel trayecto den e playoff.

Futuro di Jurgen Klopp:

Ex-entrenado di Liverpool ta descarta regreso inmediato na entrenamiento

PAPIANDO n'e Congreso Internacional di Entrenadornan na Wurzburg, Alemania, ex-entrenador di Liverpool Jurgen Klopp a descarta un regreso inmediato na entrenamiento. Klopp, kende a bandona Liverpool na fin di e temporada pasa, a enfatisa cu su salida tabata un decision bon pensa y no basa riba un capricho.

Klopp, kende a lidera Liverpool den un periodo di nueve aña transformativo y sumamente exitoso, a admiti cu e tabata "kedando sin energia" y tabata tin mester di un descanso for di e exigencianan di maneho. A pesar di su tempo liber, Klopp a wordo conecta caba cu varios trabou di alto perfil, incluyendo e posicion vacante di entrenado di e team nacional di Inglaterra despues di e renuncia di Gareth Southgate.

Sinembargo, Klopp a haci cla cu e no ta considerando ningun rol di maneho n'e momentonan aki, incluyendo e trabou di Inglaterra. "Pa awe, esey ta tur pa mi como entrenado," el a



Photo by John Powell/Liverpool FC via Getty Images

declara. E anuncio aki a bin como un sorpresa pa hopi cu a mir'e como un candidato perfecto pa sucede Southgate, mirando su experiencia extenso y exito na tanto Liverpool como Borussia Dortmund.

E ex-hefe di Liverpool no a cera completamente e porta riba su futuro den futbol. El a expresa un deseo di keda involvi den e deporte den algun capacidad. "Mi ainda kier traha den futbol y yuda hende cu mi experiencia y contactonan," Klopp a bisa. El a insinua e posibilidad di revisa e combersacion tocante su carera di entrenado den futuro, pero pa awor, e ta enfocando riba su bienestar y explorando otro oportunidadnan den e mundo di futbol.

E salida di Klopp for di Liverpool ta marca e fin di un era p'e club, unda el a gana numeroso trofeo incluyendo e Premier League y Champions League. Su impacto riba e team y e fanaticonan tabata profundo, y su ausencia for di e linea lateral lo wordo sinti profundamente. Mientras e ta tuma tempo pa recarga, e comunidad di futbol lo ta vigilando di cerca pa mira ki caminda Klopp ta scoge siguiyemente den su carera ilustre.

BREAKFAST LUNCH
JUNGLE Cafe

COME IN WE'RE OPEN

CAYA HARMONIA 1. LOKAAL 2
NOORD (PATRAS CITGO SASAKI)

Designed by **@junglecafe**

TECNOLOGIA

Apple ta desaroyando desbloqueo di dispositivo cu ritmo di curason

DEN su constante buskeda pa mehora e siguridad y e comodidad di su dispositivonan, Apple ta explorando un tecnologia innovador: e desbloqueo di dispositivo uzando e ritmo cardiaco di e usuario. E tecnologia aki, cu ainda ta den fase di desaroyo, por revolucionar e manera cu nos ta interactua cu nos celularnan, tablet y otro dispositivo electronico.

Tecnologia biometrico avansa

Apple tabata pionero den e integracion di tecnologia biometrico den su productonan. Desde e reconocemento di fingerprint cu Touch ID te n'e reconocemento facial cu Face ID, e compania a establece standard di siguridad cu ta combina eficiencia y facilidad di uzo. Awo, Apple kier hiba e innovacion aki un stap mas dilanti, uzando e informacion unico y inmutabel di e ritmo di curason di cada individuo.

E desbloqueo door di e ritmo di curason ta basa riba e premisa cu cada persona tin un patronchi di curason unico. Mediante sensor avansa y algoritmo di aprendisaje automatico, e dispositivonan di Apple lo por identifica y autentica e usuario cu un precision sin precedente. E metodo aki no solamente ta añadi un capa adicional di siguridad, sino cu tambe ta elimina e necesidad di recorda paswoord of patronchi di desbloqueo.

Bentaha y reto

Entre e bentaha mas destaca di e tecnologia aki tin e dificultad di imita un ritmo cardiaco ahen, loke ta hacie extremadamente sigur. Fuera di esey, ta permiti un acceso mas rapido y sin complicacion n'e dispositivonan, ya cu e usuario no lo tin cu realiza ningun accion adicional pa desblokea nan.

Sinembargo, e implementacion di e tecnologia aki no ta sin desafio. Un di e principalnan ta e necesidad di desaroya sensor lo suficientemente sensibel y preciso pa capta e ritmo cardiaco den diverso condicion y a traves di diferente superficie. Fuera di esey, e lo ta crucial garantiza cu e sensornan aki ta funciona di manera eficiente sin compromete e duracion di e bateria di e dispositivonan.

Posibel aplicacion y futuro

Aunke e desbloqueo door di ritmo cardiaco ta e aplicacion mas evidente, e tecnologia aki lo por tin hopi otro aplicacion den e ecosistema di Apple. Por ehempel, e por wordo uza pa autentificacion sigur den aplicacion financiero, acceso na informacion confidencial of hasta den e ambito di salud, caminda e monitor ta continua di e ritmo cardiaco por



proporciona dato valioso p'e bienestar di e usuario.

E desaroyo di e tecnologia aki tambe ta habri porta na forma nobo di interaccion cu e dispositivonan. Laga nos imagina un futuro caminda cu nos dispositivonan por adapta nan funcionamiento na nos estado fisico y emocional, ahustando parametro manera e briyo di e pantaya of e volumen segun nos nivel di stress of relajacion.

Apple ta continua demostrando su compromiso cu innovacion y e siguridad door di explora e desbloqueo di dispositivo mediante e ritmo cardiaco. Aunke ainda falta un caminda largo pa cana prome cu e tecnologia aki ta disponibel p'e publico, su potencial ta inegabel. E autentificacion biometrico basa riba e ritmo cardiaco, no solamente ta permiti mehora e siguridad di nos dispositivo, sino cu tambe por transforma e manera cu nos ta interactua cu e tecnologia den nos bida diario.

Den un mundo caminda siguridad di informacion ta cada biaha mas crucial, Apple ta opta pa un solucion cu ta combina tecnologia avansa cu e simplicidad y e naturalidad di nos propio curpa.

Lider di MEP Evelyn Wever-Croes:

“Mi no a papia cu señor Otmar Oduber”


ULTIMAMENTE Partido MEP ta hayando hopi reaccion di tanto sostenedonan di nos Partido y medionan di comunicacion si ta berdad cu Lider di MEP Evelyn Wever-Croes of integrantes di Partido MEP lo a sinta cu señor Otmar Oduber. For di un entrevista recién, hopi hende lo a comprende cu señor Oduber lo a vocifera cu hendenan yega na partido MEP lo a reuni cu ne pa discuti pa traha hunto den Partido MEP.


Lider di MEP durante e conferencia di prensa di Gobierno di Aruba diaranson 31 di juli, a haya e pregunta aki for di un miembro di prensa kende a puntra si Otmar lo a acerca Lider di MEP of Partido MEP. Lider di MEP a enfatisa cu e no tin motibo ni intencion pa acerca señor Oduber tampoco pa papia cu ne.

“Partido MEP tin suficiente candidato bon prepara riba lista y un lista largo di candidato nobo cu kier subi lista y cuminsa nan carrera politico cu partido Movimiento Electoral di Pueblo. Mi no a papia cu Señor Otmar Oduber riba e tema aki, mi no tin motibo pa hacie y lo mi no hacie tampoco. Y absolutamente ningun hende den MEP tin mandato pa papia cu Otmar




Oduber pa subi lista di MEP”.







PASEO HERENCIA


COMFORT, FOOD AND COCKTAILS




FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**


 **@caribbeancinemasaruba**

 **Caribbean Cinemas Aruba**

DOWNLOAD OUR APP



GET IT ON
Google Play



Download on the
App Store

AAA ta anuncia 'Team di Maneho Interino' memey di un reahustacion strategico

ARUBA Airport Authority N.V. (AAA), manehado y operado di Aeropuerto di Aruba, ta contento di anuncia e nombramento di un Interim Management Team/ Team di Maneho Interino pa guia e compania den e aliniacion strategico cu ta andando. E decision aki, vigente desde dia 1 di augustus 2024, ta refleha e compromiso di AAA y Royal Schiphol Group (RSG) pa mantene estabilidad operacional y busca crecimiento a largo plaso.

E nombramento di tres lider interino, en bes di un solo CEO interino, ta pa garantiza un structura di liderazgo balansa y efectivo durante e periodo di transicion aki. E decision aki ta surgi for di e acuerdo strategico di colaboracion cu AAA tin cu RSG, den cual RSG ta asigna un CEO pa AAA y ta nombra pa Gobierno di Aruba como e unico accionista di AAA. Como cu e periodo di e CEO actual a termina dia 31 di juli 2024 y cu diferente negociacion continuo pa un acuerdo nobo di colaboracion strategico restrutura, a considera necesario pa implementa un Interim Management solido. E structura aki ta permiti pa e team cu experiencia diverso guia e compania a traves di e fase aki.

E Team di Maneho Interino ta consisti di:

- **Aisha Anthony**, Chief Financial Officer, cu mas di 15 aña di experiencia den e strategia financiero di AAA.
- **Jurgen Benschop**, Chief Operations Officers, conoci pa su trayectoria amplio di mas cu 26 aña den operacion di aeropuerto na AAA.
- **Barbara Brown**, Chief Revenue Development & Communications Officer, cu mas di 27 aña di experiencia den e maneho di comercial di aeropuerto na AAA.



Hunto, e lidernan aki lo garantiza e continuidad y estabilidad mientras ta hiba e iniciativanan clave padilanti.

E buskeda pa un CEO nobo ta rekeri di atencion cauteloso pa haya e candidato corecto cu por dirigi e organisacion. Tanto RSG como Supervisory Board of Directors (BOSD) di AAA ta comprometi cu e proceso riguroso aki y ta trahando diligentemente pa haya e miho persona pa asumi e funcion. Aunke cu no por duna un tempo specifico riba ki dia lo tin un CEO nobo, BOSD di AAA, RSG y e Team di Maneho Interino ta dedica pa finalisa e nombramento mas pronto cu ta posibel.

E Team di Maneho Interino, den colaboracion cu BOSD y su accionistanan, lo enfoca riba diferente prioridad clave, incluyendo e comunicacion continuo, e siguiente DCAA Audit Certification, planificacion presupuestario, implementacion di e contract relaciona cu Fase 1B di e proyecto Gateway 2030, evaluacion y baloracion strategico,

supervision di rendimiento y e operacionnan diario.

“Nos ta sigur den e habilidad di e Team di Maneho Interino pa lidera AAA den e fase transitorio aki. Nan experticio en comun lo ta esencial mientras cu nos ta pasa door di e cambio”, asina Gerald Tsu, Presidente di Board of Supervisory Directors of AAA, a expresa.

“Tur miembro di e Team di Maneho Interino tin experiencia amplio den e rolnan di liderazgo na aeropuerto y basa riba nos relacion largo cu nan y cu henter e team di AAA nos ta sigur cu nan lo por dirigi AAA cu exito den e fase interino aki”, tabata palabra di Kjell Kloosterziel kende ta director di Schiphol International.

“Pa nos e ta un honor pa asumi e rol aki den un momento asina crucial. Cu e sosten y e compromiso di e team talentoso di AAA, nos ta compromete pa impulsa nos metanan strategico y garantiza estabilidad”, asina e Team di Maneho Interino di AAA a expresa.

Minister Ursell Arends:

Iniciativa pa cambio den orario di trabou na Aruba



E siman aki Minister Arends a lansa un iniciativa pa cambia orarionan di trabou na Aruba. Esaki pasobra Aruba no ta scapa di cambio climatico na nivel global. Ya caba Aruba ta wordo asota pa olanan di calor y den futuro esakinan lo bira mas frecuente, mas intenso y nan lo dura mas largo. “E calor insoportabel aki lo bira pio den futuro,” segun e minister. “Entre promenar cu ta wordo afecta directamente tur dia ta nos adultonan mayor y nos trahadonan cu ta labora pafo sin sombra y sin e privilegio di tin un airco.”

Minister a indica cu nos leyman laboral a wordo traha den un otro decada. “Algun ta basa riba conceptonan di otro siglo y nan base ta modelonan economico anticua y cu no mas ta cuadra cu e tempo aki. Nos no por sigui traha cu leyman cu ta obliga trahadonan traha ora nan largo den solo y cu temperatura halto. Cambio climatico ta crea condicionnan inhumano,” Minister Arends ta enfatisa.

Minister a sigui bisa cu den leyman laboral na Aruba mester reconoce y adapta na e cambio climatico. “Nunca ta demasiado laat pa acepta e realidad nobo di nos mundo y cuminsa trece cambio. Pero e prome paso ta reconoce cu mester bin un cambio. Ora Arubianonan ta di acuerdo cu otro y nos pone un meta comun nos dilanti lo tin nada pa stop nos. Nos mundo ta cambiando y nos mester adapta na esey,” segun Minister Arends.

E siman aki Minister Arends a invita tur sindicato na Aruba pa un reunion y tambe a convoca diferente gremionan di sector priva pa cuminsa cu sondeo riba e tema di cambio na leyman laboral.

“Mi ta compronde cu tin modelo di negoshi cu semper a sali for di e punto di bista di cierto leyman laboral cu ta permiti cu nan por exige trahadonan traha hasta ora e isla ta stobando. Pero esey no ta aceptabel mas. Den mi mes ministerio mi a cuminsa traha riba e cambionan caba. Ciertu dienssten ta bay traha a base di piket, pa mehora condicionnan laboral.”

“Di parti di mi ministerio nos a pasa caba den e proceso di ricibi informacion riba e tema aki for di autoridad internacional y awor nos kier scucha di stakeholders local. Esaki mester ta un proceso participativo y democratico. Un cos ta sigur, e leyman aki no por keda manera cu nan ta. Nos tur mester acepta y adapta na cambio climatico,” Minister Arends a remarca.

Recientemente Minister Arends a reuni cu e National Climate Resilience Council (NCRC), e autoridad na Aruba riba tereno di cambio climatico. E minister a pidi NCRC pa prepara y entrega prome cu dia 30 di augustus un ‘white paper’ den cual ta delinea e miho practicanan mundial pa loke ta adaptacion di leyman laboral pa efectonan di cambio climatico. Tambe pa indica den forma concreto kico ta pasonan cu Gobierno di Aruba por tuma riba tereno laboral den cuadro di adaptacion climatico.

Minister Arends a sigura cu unaves cu e tin e asina yama “decision-critical information” e lo pone e tema aki riba agenda di conseho di ministernan. E informacion recopilalo enfatisa e necesidad pa cambio y lo duna indicacion kico por wordo haci. Pero pa trece cambio lo rekeri participacion activo di diferente minister y ministerio.

Bucuti & Tara Beach Resort ta orguyosamente anuncia

Leo Fingal como miembro ganado di su programa di gym

BUCUTI & Tara Beach Resort, Aruba, ta contento pa anuncia cu Leonardo “Leo” Fingal ta e ganador pa e di dos kwartaal di e aña aki pa su compromiso na su metanan personal di bienestar pa medio di e programa di miembresia di gym pa empleadonan di e resort.

Fingal a demostra cu e no solamente ta traha duro cu orguyo na trabou, sino cu e ta traha duro - y ta kibra recordnan personal - na e gym tambe.

E dedicacion di Fingal na su salud y bienestar ta inspira esnan rond di dje, marcando un biahe remarcabel di transformacion y desaroyo personal. E ta un ehempel tambe e compromiso di Bucuti & Tara na e Meta di Desaroyo Sostenibel di Nacionnan Uni (SDG) 3: Bon Salud y Bienestar.

Un beneficio pa empleado cu ta beneficia un bida largo

Danki na e miembresia di gym ofrece pa Bucuti & Tara como parti di su paquete extenso di beneficiacion pa empleado, Fingal a atende [Cuts & Curves](#) un impresionante 70 biaha durante e periodo di tres luna.

Loke a cuminsa mas como un inscripcion di grupo a cambia y a tuma un caminda inespera y mas personal y dedica pa Fingal. Mientras e la cuminsa su ehercicionan, Fingal a cuminsa disfruta di e experiencia pasobra el a mira cambio positivo den su bida.

“Inicialmente mi a inscribi pa sigura cu nos tabatin un grupo suficiente grandi pa e compania por inscribi nos na Cuts & Curves,” Fingal a comparti. “Sinembargo, ora mi a cuminsa train, mi a cuminsa disfruta esaki pasobra mi a mira cambio positivo den mi bida. Mi bariga a baha, mi ta come mas saludabel, y mi ta consumi menos sucu y menos bebida alcoholico. Den sola-



mente cuater luna, mi ta sinti menos stress, mas energetico y mas activo.”

Mas cu condicion fisico, e ta un estado mental tambe

E dedicacion di Fingal na su metanan di bienestar no solamente a transforma su salud fisico, pero tambe su bienestar mental. E ambiente anima, personal di guia profesional y facilidadnan limpi di Cuts & Curves ta converti esaki den un luga cu e ta encanta bay cada dia.

“Loke ta mantene mi motiva ta cu tur esnan rond di mi ta nota e cambio positivo den mi curpa y con mi ta sinti menos stress,” Fingal a bisa. “Na Cuts & Curves, e ambiente ta amistoso, y e facilidad ta semper limpi. Esaki ta un luga cu bo ta encanta bishita cada dia, y ta lagabo sinti mas positivo di bo mes y otro hende.”

Bienestar pa huespednan, bienestar pa personal

[Bienestar](#) ta uni cu Romance y Sostenibilidad como e pilarnan di e experiencia di vakantie globalmente aclama di Bucuti & Tara cu ta wordo ofrece na huespednan. E resort ta incorpora bienestar di personal den su balornan principal como ta wordo

demostra door di e beneficiacion extenso pa empleado. Bucuti & Tara ta activo den su compromiso na e [SDGnan di Nacionnan Uni y esaki ta un ehempel increibel di SDG 3: Bon Salud y Bienestar](#), unda e resort ta constantemente investiga y implementa e miho iniciativanan cu ta garantiza un bida saludabel pa su personal.

Esaki ta inclui ofreciendo miembresia di gym na empleadonan cu ta tuma e reto di haci ehercicio den gym cuater biaha pa siman, sponsorship pa teamnan corporativo pa diferente competencianan di coremento, futbol y mas.

“E storia di Fingal ta un testamento di e impacto positivo cu un ambiente di apoyo y un compromiso na bienestar por tin riba bida di un individuo, tanto personal como profesionalmente,” Ewald Biemans, Doño/CEO di Bucuti & Tara Beach Resort ta comparti.

“Bucuti & Tara ta orguyoso di sostene e salud y bienestar di cada asociado di Bucuti mientras nos ta celebra e logronan increibel di Fingal.”

E resort ta ofrece su personal un paquete di beneficiacion completo cu ta inclui compensacion competitivo, entrenamiento y educacion continuo, plan di salud priva, un programa di asistencia pa empleado, 5-dia di trabou, tempo liber paga, un ambiente di trabou sigur, descuentonan na supermercado, cuminda saludabel, miembresia di gym, asistencia pa mascota pa medio di Stimami Sterilisami, y mucho mas.

E vision y strategia ta mas calidad en bes cantidad

Minister Dangui su deseo ta pa redobla e cantidad di pasaheronan cu ta uza aeropuerto priva

TRAHANDO tur dia ariba eleva Aruba su turismo na un “high-end, low-impact model”, Minister di Turismo ta expresa cu su deseo ta pa redobla e cantidad di pasahero afluente cu ta yega via e aeropuerto priva di nos isla. E iniciativa aki tin como obhetivo pa target e mercado di biahe di luho cu ta hopi lucrativo, posicionando Aruba como un destinacion di primera clase pa bishitante exclusivo cu ta busca satisfaccion.

Enfoke riba e mercado di luho

Aruba ta reconoci pa su playa nan prestigioso, cultura vibrante, y hospitalidad amigabel. Nos ta wordo considera como un producto di calidad y sigur como un di e miho destinacionnan den Caribe.

Awor, e isla ta pone su bista riba atrae un segmento nobo di bishitante—individuo y famianan afluente cu ta prefera comodidad y privacidad di e aviacion priva. Pa enfoka riba e mercado cu gran potencial aki, Minister di Turismo kier concentra na haci e aeropuerto priva uno mas atractivo di e region, pa e bishitantenan exigente cu tin un ingreso considerabel y un gusta pa experiencianan di luho scoge Aruba como nan destinacion.

Banda di esaki ya caba a haci un estudio pa desaroya un marina pa yatenan luhoso. Esaki ta un segmento nobo cu hopi potencial. Minister Dangui a traha un plan caba pa un desaroyo di un marina pariba di brug. Esaki sigur lo ta algo nobo y distinto cu lo trece turistanan afluente pa Aruba y focus mas riba calidad en bes di cantidad.

Impacto Economico

Minister Dangui a enfatisa cu e enfoque estrategico riba turistanan



di luho lo tin un impacto positivo substancial riba e economia di Aruba. “Turistanan afluente tin un tendencia di gasta mas ariba acomodacion di primera clase, gastronomia exclusivo, excursi-onnan unico, y comercio di nivel halto,” Minister Dangui Oduber a bisa. “Pa dobla e cantidad di pasahero di luho, nos ta spera un aumento considerabel den ingreso pa Aruba.”

Minister Dangui su vision ta di haci Aruba un destinacion di luho den Caribe. E vision ta crea un ambiente unda turistanan di luho por disfruta experiencianan sin igual mientras cu ta contribui na e crecemento sostenibel di Aruba su economia. E iniciativa aki ta un paso significativo den realisacion di esey.



Buskeda pa un canasta di Lionfish

Santa Rosa involucra y ta pidi ayudo di comunidad

DESDE 2009 cu e prome Lionfish invasivo a keda registra den nos awanan, Departamento di Agricultura, Cria y Pesca, conoci como Santa Rosa, a keda vigila e potencial peligro invasivo aki y investiga si por converti esaki den un pesca sostenibel cu por aporta na nos economia y seguridad di provee alimento propio fresco y saludabel. Asina por menciona cu a tuma luga varios torneo di Lionfish, actividad culinario, investigacion científico y mucho mas pa tanto lanta e conocimiento den nos comunidad como tambe colecta informacion practico cu por ser aplica na Aruba.

Lionfish traps of canasta:

Recientemente Santa Rosa a keda acerca pa sr. Patrick van Brakel, conoci pa su tantísimo videonan educativo di Lionfishhunter Aruba, como e Lionfish Snack Aruba, pa por duna un asistencia na su persona y un estudio cu el a inicia riba propio iniciativa y forsa. Sr. van Brakel a bin ta experimenta cu varios “Lionfish traps” of canasta pa Lionfish. Su ultimo intento a ser poni algun siman atras, pa mala suerte prome cu pasada di e tormenta Beryl y awor e canasta aki, cu ta contene un luz y un camara, ta perdi. Despues di varios intento envano di buskeda y recuperacion awor ta haci un yamada mas amplio pa ayudo.

Santa Rosa ta yuda:

Santa Rosa mesora a compromete pa yuda sr. van Brakel pa recupera e artefactonan y tambe sigui yuda cu e investigacion riba lionfish. E canasta ta un diseño cu a bin ta desaroya conhuntamente cu investigadonan na Bermuda y ta basa riba e diseño di lobster traps di e area ey. E canasta ta un bari adapta pa laga Lionfish drenta pero difícil pa nan sali. E tin of tabata tin un boei y un anker na dje. Manera menciona caba, e tabata tin tambe un luz y un camara instala.

Ta pidi piscado y buceado yudansa:

Ta pidi cooperacion di tur piscado, buceado y esnan cu ta bay lama regularmente, particularmente den area di palm beach, pa si por a nota esaki of cualkier cos, pa por favor comunica cu sr. van Brakel of na seccion di pesca di Santa Rosa of na Centro di Pesca Hadicurari. Lo ta altamente aprecia cualkier informacion cu por yuda na recupera e artefactonan menciona.

Investigacion valioso:

Santa Rosa lo sigui conhuntamente cu demas instancia y organisacionnan relevante y interesa pa colecta y distribui informacion. Te ainda e manera mas eficaz pa controla Lionfish invasivo ta pa tira esaki cu un tipo di harpun. Hopi biaha ta uza e slingshot of polespear p’e tarea aki.



E limitacion p’e metodo di sambuya y tira Lionfish ta cu ta unicamente unda hende por yega y sambuya, lo por controla Lionfish invasivo. E idea pa considera canasta pa Lionfish ta cu uzando canasta posiblemente por yega na lama mas hundo cu hende por duik y posiblemente ta un metodo di pesca economicamente viable.

Rond mundo ta unicamente algun luga ta purbando cu e metodo aki y pa cual motibo lo ta sumamente valioso e resultadonan di e investigacion aki.

Tres hues ta apoya Minister Arends den defensa di naturalesa

E corte mas halto den nos region ayera a publica un veredicto den cual husticia a sali na defensa di derechonan di naturalesa di nos isla. No menos cu tres hues imparcial di Gemeenschappelijk Hof van Justitie a dicta den forma contundente cu na Aruba tur hende mester aplica pa “ontheffing” cerca di Minister di Naturalesa prome cu nan por haci cualkier cambio na nos naturalesa.

Den su veredicto Hof a dicta den e caso di Natura Development NV nan mester aplica cerca Minister di Naturalesa pa un “ontheffing” prome cu nan por haci cualkier cambio na nos medio ambiente. No ta importa kende tin influencia politico of acceso na capital pasobra Corte a dicta cu ley ta conta pa un y tur. Den e caso aki e ta conta tambe pa Natura Development NV. Mescos cu tur otro hende, awo nan tambe mester pasa den e proceso pa pidi ontheffing.

Corte a laga ningun espacio pa duda y a dicta cu leyman traha pa proteha nos naturalesa ta conta pa tur hende y instancia. Tambe pa Natura Development NV kendenan a pretende di tin cierto inmunidad contra nos leyman y a opone contra pidi ontheffing y a insisti cu esaki no ta conta pa nan.

Pa Minister Arends e veredicto aki ta un logro mas pasobra Gemeenschappelijke Hof a confirma cu nan tambe ta para na banda di naturalesa. *“Esaki ta señal significativo cu nos ta avansando. Esaki ta un paso mas den e direccion corecto. Husticia na banda di naturalesa y ta momento pa tur hende cuminsa acepta cu nos naturalesa tin derecho,”* segun Minister Arends a bisa. *“Semper nos a mostra di ta dispuesto pa papia cu Natura Development NV riba nan necesidad pa tin un beach. Naturalesa no ta bringa contra desaroyo economico. Pero naturalesa ta pidi pa desaroyo economico bay na un forma responsable. Tur hende mester por comprende*



cu na Aruba nos tin ley y cu nos no ta duna privilegio pa ningun hende. Ley ta conta pa tur. Y tur hende ta bon bini pa aplica pa un ontheffing y nos lo atende cu nan mescos cu nos ta atende cu tur otro.”

Pa e minister e veredicto aki ta un decision historico pasobra husticia ta reconoce na un forma cla y raspa cu naturalesa tin derecho y cu leyman di proteccion di naturalesa mester wordo respeta. Corte ta bisa den palabra cla cu ningun hende por mishi cu nos naturalesa sin pidi ontheffing prome. *“Esnan cu scohe pa no respeta e principio aki lo mester biba cu e consecuencia,”* segun Minister Arends a reacciona. *“Na Aruba nos no ta traha cu short-cut ni cuanto influencia bo por tin, pasobra aki ley ta pa un y tur”.*

Den e caso di Embassy Suites a sosode cu Minister Arends personalmente a presenta na beach na momento cu contratista tabata trahando sin permiso. Sin cu a pidi “ontheffing” nan

a cuminsa destrui naturalesa pa crea un beach artificial. Na e momento ey e minister a pidi apoyo di departamento di naturalesa DNM y hunto nan a logra para e destruccion di locual hues den su veredicto a yama “balornan” di naturalesa. Esaki no a cay den bon tera y e asunto a termina den corte. Ayera corte a dicta su sentencia y esaki a resulta na favor di e minister.

“Nos causa ta ganando tereno. E no ta facil pasobra no ta tur hende ta respeta naturalesa. Naturalesa no tin un bos pa defende su mes. Pero cu cada paso chikito nos ta bay dilanti y e momentum ta di nos banda y naturalesa ta ganando,” segun Minister Arends a bisa, enfatizando cu esnan cu ta defende naturalesa ta di na e banda corecto di historia di humanidad. *“Mi sa caba kico ta bay pasa awo. Nan ta bay purba kibra e sistema di ontheffing. Nos a gana un bataya pero e guerra lo sigui. Na final naturalesa lo vence pero nos ta consciente cu nos no ta eyan ainda”.*



NOW PLAYING



FOR SHOWTIMES AND ONLINE TICKETING, VISIT: [CARIBBEANCINEMAS.COM](https://www.caribbeancinemas.com)

The Convert

A lay preacher's violent past is drawn into question and his faith tested as he becomes caught up in a bloody war between Maori tribes after arriving at a British settlement in the 1830s.



FOR SHOWTIMES AND ONLINE TICKETING, VISIT: [CARIBBEANCINEMAS.COM](https://www.caribbeancinemas.com)

Deadpool & Wolverine


Wolverine is recovering from his injuries when he crosses paths with the loud-mouth, Deadpool. They team up to defeat a common enemy.



FOR SHOWTIMES AND ONLINE TICKETING, VISIT: [CARIBBEANCINEMAS.COM](https://www.caribbeancinemas.com)

Harold and the Purple Crayon

Harold and the Purple Crayon is a 2024 American live-action/animated fantasy comedy film directed by Carlos Saldanha from a screenplay by David Guion and Michael Handelman, based on the 1955 children's book of the same title by Crockett Johnson



FOR SHOWTIMES AND ONLINE TICKETING, VISIT: [CARIBBEANCINEMAS.COM](https://www.caribbeancinemas.com)

Twisters

Haunted by a devastating encounter with a tornado, Kate Cooper gets lured back to the open plains by her friend, Javi, to test a groundbreaking new tracking system. She soon crosses paths with Tyler Owens, a charming but reckless social-media superstar who thrives on posting his storm-chasing adventures. As storm season intensifies, Kate, Tyler and their competing teams find themselves in a fight for their lives as multiple systems converge over central Oklahoma.

For Showtimes and Online Ticketing: www.caribbeancinemas.com

RECETA DI DIA

Gazpacho andaluz



AKI bo tin un receta refrescante y dushi pa disfruta den e calor: Gazpacho Andaluz. E ta un sopi friu tipico di Andalucia, den Zuid di Spaña, perfecto p'e dianan calor.

Ingrediente:

1 kilo di tomati hecho
1 promenton berde
1 concomber
1 siboyo chikito
2 djente di conoflok
100 gram di pan di e dia anterior (opcional, si bo ta prefera un textura mas diki)
4 cuchara di azeta di oleifi extra birgen
2 cuchara di binager (of na gusto)
Salo na gusto
Awa friu (opcional pa ahusta e textura)
Ijs (opcional pa sirbi)

Instruccion:

1. Preparacion di e ingredientenan: Laba e tomatinan bon, e promenton y e concomber. Pela e tomatinan y corta nan na pida. Corta e promenton y e concomber na pida. Pela y corta e siboyo y conoflok.

2. Muha e pan (opcional): Si bo dicidi uza pan, muh'e den un poco di awa friu of durante algun minuut te ora e ta moli.

3. Mescla e ingredientenan: Den un blender grandi, añadi e tomatinan, promenton, concomber, siboyo, conoflok y e pan muha (si bo ta uza). Blend tur cos te haya un mescla diki.

4. Añadi e condimentonan: Agrega e azeta di oleifi, e binager y e salo. Mescla bon. Si bo ta prefera un textura mas likido, bo por añadi un poco di awa friu.

5. Cola (opcional): Si bo kier un gazpacho mas fini, bo por pasa e mescla door di colado pa elimina e resto di casca y simia.

6. Fria: Warda e gazpacho den frigidaire durante por lo menos 2 ora p'e ta bon friu. Tambe bo por añadi ijs directamente ora di sirbi pa frie rapidamente.

7. Sirbi: Sirbi e gazpacho den tayo hundo of glas, compaña di pida concomber, promenton, siboyo y tomati si bo ta desea di decora. Tambe bo por añadi un tiki azeta di oleifi riba dje.

Tips:

Si bo ta gusta e gazpacho mas cremoso, bo por añadi un poco mas di pan. Ahusta e binager y e salo na gusto. Pa un version mas light, evita e pan y añadi mas berdura.

Disfruta di e sopi friu aki, dushi y nutritivo, ideal pa combati e calor den e temporada aki.

Fortaleza pa Famia

Ningun hende por biba independiente di Dios

DIOS tin un inmenso misericordia cu e mundo aki, caminda nos ta mira cosnan ta formando manera ta para skirbi den Genesis capitulo 6:5: E ora ey Señor a mira cu maldad di hende tabata grandi riba tera y cu tur intencion di e pensamiento di su curason tabata continuamente maldad so.

Hende ta aparta nan mes for di Dios, bibando den rebeldia, scuridad, pero hende no a wordo traha pa biba independiente di Dios, pasobra aunke pica ta separa hende for di Dios, Dios keto bay tin misericordia di e mundo.

E ora ey Hesus a bisa su discipelnan: Si un hende kier bin mi tras, lage nenga su mes, y hisa su crus y sigui Mi. Pasobra ken cu kier salba su bida lo perde, ma ken cu perde su bida pa Mi causa lo haye, Pasobra ki probecho un hende lo tin si e gana henter e mundo ma perde su alma (Mateo 16:24-26).

Bin cerca Mi tur cu ta cansa y carga y lo Mi duna boso sosiego. Tuma mi yugo riba boso, y siña di Mi, pasobra Mi ta manso y humilde di curason, y boso lo haya sosiego pa boso alma. Pasobra mi yugo ta facil y mi carga ta lihe (Mateo 11:28-30).

E ora ey Hesus a bolbe papia cu nan bisando: Ami ta e luz di mundo, esun cu sigui Mi lo no cana den scuridad, ma tin e luz di bida (Juan 8: 12).

Hesus a bise, Ami ta e caminda y e berdad, y e bida, ni un hende no ta bin cerca e Tata, sino pa medio di Mi (Juan 14:6).

Si nos no ta depende di Hesus, ta imposibel pa nos ricibi, Sabiduria, Berdad, y bida Eterna. Cristo Hesus a duna su bida pa ken cu kere den dj'E no bay perdi.

Nos mester tin un bon relacion cu Dios, pa nos por drenta den Su reino, y e unico manera pa drenta den Su reino ta pa kere den Su Yiu unigenito Cristo Hesus.

Ma si cualkier di boso falta sabiduria, lage pidi Dios, kende ta duna generosamente y sin reproche, esaki lo wordo duna na dj'E (Santiago 1:5).

Ma ora cu E, Spirito di berdad bin, E lo guia boso den tur berdad, Pasobra E lo no papia di Su mes, ma tur loke E tende, E ta papia, y loke tin di bin, E lo revela na boso. E lo



glorifica Mi, pasobra E lo tuma for di Mi, y lo revela na boso. Tur loke e Tata tin ta di Mi, p'esey Mi a bisa cu e lo tuma for di loke ta di Mi y e lo revela esaki na boso (Juan 16:13-15).

Tin gran beneficio ora nos ta depende completamente riba Dios, pasobra tur cos bon ta bini di Dios.

Confia den Señor cu henter bo curason, y no depende riba bo mes, comprendemento. Den tur bo camindanan reconoc'E y e lo dirigi bo bereanan (Proverbionan 3:5-6).

Señor ta mi fortaleza y mi escudo, mi curason ta confia den dj'E y mi ta wordo yuda, p'esey mi curason ta regosiha y cu mi cantica mi ta alab'E, (Salmo 28:7).

Esnan cu conoce Bo number lo pone nan confiansa den Bo, Pasobra Abo, O Señor, no a bandona esnan cu ta busca Bo (Salmo 9:10).

Lo bo warda den pas perfecto esun cu su pensamiento ta pertenece na bo, pasobra e ta confia den Bo.

Confia den Señor pa semper, pasobra den Dios e Señor nos tin baranca Eterno (Isaias 26:3-4).

Un pastoor firme den e berdad y e unidad di Iglesia

Awe ta dia di San Eusebio di Vercelli

AWE, dia 2 di augustus, Iglesia Catolico ta celebra e fiesta di San Eusebio di Vercelli, un obispo destaca y defensor di fe durante siglo IV. E santo aki ta conoci pa su firmesa den e defensa di ortodoxia cristian contra e herehianan di su tempo, como tambe pa su bida dedica na servicio pastoral y e fortalecimiento di e comunidad cristian.

Bida y obra

San Eusebio a nace na Sardinia, Italia, cerca di año 283. Den su hubentud el a bay Roma, caminda el a wordo ordena como sacerdote. Despues, el a wordo eligi como obispo di Vercelli, un ciudad chikito den nort di Italia na año 345. Su nombramento tabata significativo, ya cu e tabata e prome obispo di Vercelli, fundando asina e diocesis di e region aki.

Defensa di fe

Eusebio a biba den un epoca marca p'e controversia Arriano, un herehia cu tabata nenga e divinidad di Hesucristo. Durante e Concilio di Milan na año 355, el a destaca pa su firme oposicion na Arrianismo, loke a bal e enemistad di e partidarianan di e doctrina aki. Su inkebrantabel defensa di e fe Niceno, cu a afirma e consustancialidad di e Yiu cu e Tata, a hib'e na exilio ordena pa emperador Constancio II, un defensor di Arrianismo.

A pesar di e dificultadnan di e exilio, cu a inclui e destiero na Escitopolis, Capadocia y Tebaida, Eusebio a continua cu su labor pastoral y a skirbi un cantidad di carta na su fielnan, bogando pa mantene e fe cristian berdadero. Su bida di sufriemento y perseverancia a sirbi como ehempel y a fortalece e comunidad cristian den tempo di gran confusion doctrinal.

Legado

San Eusebio a regresa Vercelli na año 361, despues di morto



di Constancio II y a sigui cu su ministerio episcopal te na su morto na añ 371. Su legado ta inclui e promocion di e bida comunitario entre clero, similar n'e bida monastico, loke a inspira tur e obisponan na Italia y Galia. Su comporimiso cu e berdad y su liderazgo pastoral a convirtie den un figura central den e historia di Iglesia den Occidente.

Celebracion Liturgico

E festividad di San Eusebio di Vercelli dia 2 di augustus, ta un ocasion pa recorda su bida ehemplar y su inkebrantabel fe. E fielnan por inspira den su curashi y dedicacion pa enfrenta e retonan di fe den e mundo contemporaneo. E Iglesiasnan rond mundo ta celebra misa y ta realiza acto liturgico na honor di e gran santo aki, recordando su contribucion esencial n'e consolidacion di e doctrina cristian y e bida di Iglesia.

Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Installacion
- ✓ Material di Calidad
- ✓ Design

☎ 6990495



www.laycro.com



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa".
Salmo: 23

No tin palabra pa expresa nos tristesa pero conforme cu boluntad di Dios, nos ta anuncia fayecimento inesperadamente di nos: esposa, mama, yiu:

**Sue-Laine Mary-Anne
Luciënne Tromp-Henriquez**
cariñosamente yama "Sully"
*09-05-1996 - †20-07-2024

Na number di su:
Esposo stima: Edric Tromp
Yiunan stima: Arion Tromp y Isa Tromp

Tata: Kenneth Henriquez
Mama: Maria Maureen Raaz

Rumannan Stima:
Jessica Bongers y yiunan na Hulanda
Eufemy Henriquez y Jose Martinez Mendez
Jean-Marc Henriquez
Jean-piërre Henriquez y Daniela y Yuinan
Sobrina:
Jahlaisa

Sobrinonan: Waylon, Jeanrey, Jay-Diliano, Dayven, Liam

Welanan:"Dika" Henriquez-Croes
Lucia Felicità Maduro

Welonan: †Paulito Luciano "Chani" Henriquez
†Raoul Elio Raaz

Manera wela: Isidora Croes
Manera Welo: Edsel Cicilia

Omo: Aldrick Maduro

Tanta nan: Sharlene y esposo Huub fermont y famia
Sharitza Henriquez y Aleendal Chayoung
Eldrith Henriquez y yiunan
Shaquira Maduro y famia
Nisha Maduro

Primonan: Jonathan y Etiënne, Ian, Zion
Primanan: Emmelaine Slater Evertsz y famia
Eleanne Evertsz y David y Davieliënne Curiël
Ediliënne y Tani na Hulanda

Madrina: Sharlene Fermont-Henriquez
Padrino: Edward van Tol

Suegra y suegro:
Liliana Tromp-Croes y Eric Tromp

Swa: Ericson Tromp y famia

Famia di misa na Aruba/Hulanda:
Zion Church, ICF Enschede
Amigo(a)nan di school (Aruba, Hulanda)

Tur demas famianan cu ta mucho hopi pa menciona. Disculpa nos si den nos tristesa nos por a lubida algun miembro di famia.

Oportunidad pa condolencia: **Diamars 6 di Augustus 2024** na Aurora Funeral Home di 7or pm pa 9or pm

Acto di entiero lo tuma lugar **diananson 7 di Augustus 2024** for di 2or pm pa 4or pm na Aurora Funeral Home y despues lo sali bai pa santana Central na Sabana Basora.

Livestreaming entiero: Obituary Aruba

Nos ta lamenta cu despues di entiero no ta ricibi bishita di condolencia na cas.



"Laga tur locual ta sperami ta bunita, Laga cu tur locual cu mi encontra na caminda ta bunita
Laga tur locual cu ta rondonami ta bunita, Laga tur locual cu mi a laga atras keda bunita, y laga esaki nan termina den tur bunitesa".

Cu profundo tristesa na nos curason pero agradecido pa locual el a significa pa nos, nos ta anuncia fayecimento di:

**Sr. Benjamin
S. Figaroa**
Mihor conoci como "Jimmy"
*11 aug 1962 – †29 july 2024

Na number di su:
Mayornan:
† Silberio y † Francisca Figaroa

Viudo di:
† Juliana E "liesje" Figaroa-Geerman

Yiunan:
Shaluzdin Figaroa
Benjamin "Juni" y Yamelies Figaroa-Petit

Nieta y Nietonan:
Giandra Erasmus
Giandre Erasmus
Giant-marc Erasmus
Benjamin Figaroa
Benson Figaroa

Compañera:
Maria Elva Pereira

Rumannan:
† Juan Brete
Violeta "Ola" Figaroa i Yunnan
† Luis Figaroa i Agnes i yui y famia
Maria "Liesje" Figaroa y Oscar Gomez y Yunnan
Emelina "Emmy" Figaroa
Carmen y Axel "Doei" Jansen y Yunnan
Teresita "Treesje" Figaroa i yui
Edwigia "Wia" y Stanley Rosina y Yunnan
† Theodor "Buchi" Figaroa
† Lourdes "luchi" Figaroa y † yui
Irene Figaroa
† Johnny Figaroa

Tanta l omonan prima y primonan, comer l compernan, su bisiñanan, amiga l amigonan, conocirnan l amistadnan. Ex Coleganan di Palm Tours (watersports).

Famianan:
Figaroa, Geerman, Erasmus, Petit-Colina, Lopez, Giel, Tromp, Kelly Hernandez,, Farro, Ponson, Gomez, Jansen, Oduber, Rosina, Blanco, Urbina, Lacle, Pereira y demas famia.

Adres pa Condolencia:
Aurora Funeral Home **Dialuna 5 augustus 2024**, 07:00-09:00 PM

Acto di entiero lo tuma lugar **Diamars 6 augustus 2024** di 2or pa 4or na Misa Santa Anna na Noord for di 2or e restonan mortal lo ta reposa den Misa Santa Ana y despues lo hiba nos defunto stima na su ultimo lugar di sosiego na santana catolico na Noord.

Nos disculpa si den momento di tristesa nos por a lubida di menciona algun familiar of Amistad.

Nos ta lamenta cu despues di entiero nos no lo por ricibi bishita di Condolencia na cas.



Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu inmenso tristesa y dolor, na nos curason y conforme Dios Tata todopoderoso su boluntad, nos ta participa fayecimento di:

**Erica Edwina
Maduro-Lampe**
*25 JUNI 1951 – †27 JULI 2024

Na number di su:
Esposo:
Stephen Maduro

Yiu:
Jessica Shamira Maduro

Rumannan:
Erwin – Hilda Lampe-Kelly yiu y famia
Aurita Lampe – Boepi Groder
Eta-Clemente Tromp-Lampe yiunan y famia
Shonrita Lampe yiunan y familia
Egidio (Shonl) – Ruth Lampe- Mojica yiunan y famia
Mirto (Riki) -Lorena Lampe-Lopez/Tobar yiunan y famia
†Iris – Benjamin(Benny) Tromp – Lampe y yiu
Miguel Lampe

Swa y Cuñanan:
Reynaldo – Rika Maduro – Maduro yiunan y famia
Suzanne Dijkhoff - yiu y famia
Margareth Mercedes Maduro
Nick - Lucia Maduro – Wernet yiunan y famia
Raymond - Marlene Maduro -Tromp yiunan y famia
Shirley Solognier – yiunan y famia
Yvonne Maduro y yiunan
Marlyne - Jani Stamper – Maduro yiunan y famia
Eveline Frank -yiunan y famia
Eddie- Diana Maduro - Leest yiu y famia

Omo y Tantanan:
Anselmo (Chemy) – Annie Kock yiunan y famia,
Marianita Quandus-Kock (Madrina stima) y Rina Zapata-Kock

Padrino:
Mario (Mai) Croes

Sobрино y Sobrina nan/ Primo y Prima nan

Amiga(o)nan:
Leticia, Olga, Martha, Doke, Mena, Bertha, Sharline, Lisbeth, Alex Hassel, Dario

Famia:
Maduro, Lampe, Kock, Quandus, Groder, Kelly, Pardo, Lopez Tobar, Timmermans, Dubero, Tromp, Chundro, Ras, Arends, Croes, Zapata, Dijkhoff, Stamper, Leest, Solognier, Romp, Wernet, Henriquez, Frank, Kurban, Carrera, Damaryani, Mojica

Famia na: Hulanda, Italia, Colombia, Merca

Acto di entiero lo tuma lugar **diabierna 2 di augustus 2024** pa 4 'or di atardi, saliendo for di Misa Immaculata Conception pa santana "Santa Maria" na Santa cruz. Erica lo ta reposa for di 2'or te 4'or di atardi den Misa Imaculada Concepcion na Santa Cruz.

Adres pa condolencia: **Diahuebs 1 di augustus 2024** na Aurora Funeral Home & Creamatory, for di 7'or pa 9'or di anochi. Nos disculpa si nos por a lubida algun miembro di famia den nos tristesa.

Despues di entiero no ta ricibi bishita di condolencia na cas.

Na lugar di flor of krans un donacion pa Kankerfonds ta altamente aprecia.

“Señor ta mi Wardador, mi’n tin falta di nada; Den kunuku di yerba berde, E ta pone mi sosega.
E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber.” Salmo 23
Agradecido pa tur locual el a nifica pa nos y conforme cu boluntad di Dios, nos ta anuncia fayecimento di:



Sra. Alicia Brete

Cariñosamente yama “Mama Ali of Ali”
*27-12-1935 – †31-07-2024

Na nomber di su mayornan:

†Pedro Brete
†Marianita Petrochi

Na nomber di su esposo:

†Ansermo Vrolijk

Na nomber di su yiunan:

Robert y Maria Vrolijk-Partida
Marlene y Mervin Danies-Vrolijk
Renny y Antoinette Vrolijk-de Cuba
Claudio “Nando” y Marleny Vrolijk-Barrera

Nietonan:

Mary Vrolijk y Glemson Bernabela
Romyra Vrolijk y Joshua Loefstop
Michael Vrolijk
Michaeline Vrolijk y Jilmar Donata
Marvick y Dayenne Danies-Croes
Shandrick Danies
Xilliene Danies
Shanthelyene “Shanty” Vrolijk y Mark Kock
Zayrenne Vrolijk y Roshan Croes
Rychlenne Vrolijk
Joandrick
Reygenald Vrolijk y Valery Marin
Jeritza Vrolijk y Luis Trimon

Bisanietonan:

Zinady y Zane

Rumanan:

† Jan Brete y famia
† Carlito Brete y famia
† Theresita Kelly y famia
† Pablo Brete
† Bernadina Kelly y famia

Sobrino y sobrinonan, comer y compernan, ihanan.

Bisiñanan:

† Charles y Hortencia “Tencha” Simon y famia
Lima Brete y famia

Ayudante:

Monica Iguaran

Famianan: Vrolijk, Brete, Danies, Barrera, Partida, de Cuba, Kelly, Loefstop, Croes, Kock, Simon, Iguaran, Trimon, Boekhoudt, Donata, Bernabela, Marin

Acto di entiero lo tuma lugar **diasabra 3 di augustus 2024** pa 2’or pa 4’or di atardi na Misa Santa Filomena na Paradera y despues lo sali pa santana na Paradera.

Nos ta pidi disculpa si den nos momento di tristeza nos por a lubida un famia of conocir. Nos ta lamenta cu despues di despedida lo no ricibi bishita di condolencia na cas.

“Señor ta mi Wardador, min’ tin falta di nada; Den cunucu di yerba berde, E ta pone mi sosega.
E ta hiba mi na awa trankil, pa mi bolbe haya forsa. E ta guia mi den caminda drechi fiel na su nomber.” Salmo 23

Cu hopi tristesa na nos curason ,pero conforme cu boluntad di Dios, nos ta anuncia fayecimento di:



Maria Maxima Tromp

Mihor conoci como “Conco ” of Tantan, Dudu.
*07-10-1936-†01-08-2024

Acto di entiero lo wordo anuncia despues



Gradicimento y Invitacion

Khloë Alexandra Heronimo

Cariñosamente yama: “Koko”

Na nomber di famianan nos kier a gradisi cada persona cu a tuma nan tempo pa a bin dispidi di nos ser stima, un danki di curason.

Danki na esunan cu a bin di exterior pa ta presente na su entiero y tur orado.

Danki na un y tur cu a manda carchi, areglo floral, whatsapp y yamada telefonico.

Famia henter kier a invita boso na e santo sacrificio di misa cual lo tuma lugar riba e dianan diahuebs 1, diasabra 3 y diamars 6 di augustus pa 7or na misa inmaculada concepcion na Santa Cruz. Dia 6 di augustus tin un rosario na cas; Bacobastraat # 6, despues di ultimo misa.



The Lord is my shepherd; I shall not want.
He maketh me to lie down in green pastures: he leadeth me beside the still waters.
He restoreth my soul: he leadeth me in the paths of righteousness for his name's sake.
Yea, though I walk through the valley of the shadow of death, I will fear no evil: for thou art with me; thy rod and thy staff they comfort me.

With deep sympathy we announce the passing away of:

Marie Roselaine Demervil

Date and place of the funeral will be announced later.



Drenta su portanan cu gradicimento, drenta su tempel cu cantica di alabansa, glorific’e, bendiciona su Number.
Salmo 100:4

Cu dolor na nos curason, nos ta participa fayecimento di nos ser stima:

Marilyn M. Hoek

cariñosamente yama “Rubia”
*17-11-1953 - †31-07-2024

Acto di despedida lo wordo anuncia despues



“Señor ta mi wardador, mi’n tin falta di nada Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa”.
Salmo: 23

Nos ta anuncia fayecimento di:

Nouel Quandus

*17-08-1937 - †30-07-2024

Acto di entiero lo wordo anuncia despues.



“Señor ta mi wardador, mi'n tin falta di nada Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa”.
Salmo: 23

Nos ta anuncia fayecimento di:

Stanley W. Priest

*12-04-1953 - †31-07-2024

Acto di entiero lo wordo anuncia despues



“Señor ta mi wardador, mi'n tin falta di nada. Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa”.
Salmo: 23

Cu dolor na nos curason, nos ta participa fayecimento di nos ser stima:

Sr. Eloy Dania

cariñosamente yama “Mo-Loy, Papa Loy, Tata Jak ”
*11-03-1934 - †31-07-2024

Acto di despedida lo wordo anuncia despues



Tur cos aki na mundo tin su ora y su tempo,
Ora pa nace y ora pa muri, ora pa yora y ora
pa hari, Ora pa keda keto y ora pa papia, ora
pa stima y ora pa odia, Ora pa guerra y ora pa
paz". - Predicador 3:1-2-4-7-8

A fayece cristianamente:

Sra. Vigdys L. Farro-Janga
cariñosamente yama " Vidi of Lucy"
*16-04-1949 - †27-07-2024

Na number di su:
Prima/ruman di criansa:
Esperanza "Sasha y Pedro Koolman y famia

Rumannan:
Elmer y Tina Janga-Almari y famia
Edsel "Chobby" Janga na Hulanda
Giovanny "Vanchi" Janga y famia

Cuña:
Irena Rasmijn y famia

Manera ruman:
Isolda y Frans Maduro-Wever y famia na
Hulanda

Amiga-nan y amistadnan stima:
Gina Servinus-Jacobs y famia, Vanessa, Patricia,
Omaira, Margareth Meade y famia, Milly,
mucho hopi pa menciona.

Tur su ex-coleganan di Telefoondienst y SETAR.

Bisiñanan di Companshi y Ponton.

Sobrino- y sobrinanan, primo- y primanan,
amigo- y amiganan, conociran y amistadnan.

Demas famia:
Janga, Farro, Picus, Gomez, Eckmeyer,
Koolman,Peña, Maduro, Orman, Corneli,
Toppenberg, Escalona, Petrona, Laclé y demas
famia.

Ta invita pa acto di entierro cu lo tuma lugar
diasabra 3 di augustus 2024 na Aurora Funeral
Home di 9'or pa 11'or di mainta. Despues lo sali
pa Santana Central Sabana Basora.

Nos disculpa si den nos tristesa nos por a lubida
algun famia of conocir.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu inmenso tristesa nos ta anuncia fayecimento
di nos ser stima:

Sra. Emerita R.L. Croes
Mihor conoci como "Nuni / Raquel "
*03-03-1960 / + 26-07-2024

Na number di su
Yuinan:
Myenou Antonia
Ebony Croes

Nieto y Nietanan:
Mycheline Grant
Mar-Yelina Grant
Emerson Sommer

Rumannan:
Olivia Croes
Silvia Croes y Giovanni Ras
Ivan "Chebito" y Judith Croes

Ruman di criansa:
Bibi Lesandrina
Sonia Hopmans

Subrino y Subrina nan:
Suhail, Sukienne
Jeanne y Jaylah
Marjorika, Kyon, Clayton, Kate
Sabatha, Johvan Savian, Gialvan & Saveenha
Juni, Chriswayne & Loyalty
Shaquil
Mikayla
Judivianny

Bon amigo:
Robert Petrochi
Bon bisinja nan
Jeja & Jejo Sanchez
Nana & Lio Marchena
Donald Kock & Lourdes Agudelo
Mena & Luis Irausquin

Coleganan di CasinoWezen

Na tur su amigo y amiga nan cu ta mucho hopi
pa menshona.

Demas Famia:
Croes, Quandt, Antonia, Grant, Copra, v/d Blik,
Ras, Lesandrina, Tromp, Willems, Lacle, Dirksz,
Ridderstap, Bikker, Dania y demas famia.

Tur su amigo y amiga nan di henter bario di
Dakota.

Adres pa Condolencia:
Diabierna 2 augustus, na Royal Funeral Home &
Crematory for di 6pm – 9pm.

Ta invita demas famia, bisinja amigo, amiga y
conociran pa e acto di entierro cu lo tuma lugar
diasabra 3 augustus di 2pm – 4pm na Misa Birgen
Di Fatima na Dakota, for di 2pm e restonan
mortal lo ta reposa den Misa Birgen Di Fatima y
despues lo hiba nos defunto stima na su ultimo
lugar di sosiego na Santana Central Sabana
Basora.

Nos disculpa si den momento di tristesa nos por a
lubida di menciona algun Familiar of Amistad.



Désormais la couronne de justice m'est réservée; le
Seigneur, le juste juge, me le donnera dans ce jour-
là, et non seulement à moi, mais encore à tous
ceux qui auront aimé son avènement. - 2 Timothée
4:8

Nos ta anuncia fayecimento di:

Finnelia Jeanty
*05-02-1945 - †29-07-2024

Na number di su:
Yiunan:
Marly Josama y casa Garry Josama
Ernest Paillant
Marie Carmel y casa Garry Thêagène

Nietonan:
GaethaneMarly Josama, Patrice Ralf Carmelot
René Thêagène, Gamar Patrick Josama, Gaëlle
Victoria Josama, Priscile Carmaëllie Gayanarre
Thêagène, Iseulthe Garryelle Felixiannie Thêagène,
Junior Garry Carmaël, Kyllian Paillant, Valentin
Paillant

Bisanieto: Nehemiah Josama Edovard

Rumannan:
Celia Auguste Jeanty
Roselia Jeanty Paillant
Anne Marie Jeanty
Adelphine Jeanty
Carine Jeanty Mettelus
Vlrick Jeanty

Primo(a)nan:
Anita Jeanty, Elta Jeanty, Marie LourdeJeanty,
Claude Jeanty
Ervila Jeanty, Gilbert Jeanty, Fabiola Jeanty,
Nadine Jeanty, Erlande JeantyBertiita Merveille, In-
vecker Merveille, Bernard Merveille, Henry Claude
Merveille

Yiunan di criansa:
Alexis Guerda, Alexis Lucner, Radela Tromp,
Fritzmer Valentin, Elo Pierre

Amigo(a)nan: Anicile, Germaine, Paula Villier
Hyacinthge, Mimose Mothèe, Fifi, Yolene, Mimose
Paul, Hilo, Famille Brice, Famille Paillant, Famille
Merveille, Francisca Bastien, Jenathan Bastien,
Fransty Bastien (Bijo)

Oportunidad pa condolence **diabierna 2 di
augustus 2024** na Aurora Funeral Home di 7:00 pa
9:00 pm

Acto di entierro ta tuma lugar **diasabra 3 di
augustus 2024** v na Aurora Funeral Home di 2:00 pa
4:00 pm, despues lo sali pa Santana central na
Sabana Basora.




"Señor ta mi wardador,
mi'n tin falta di nada,
Den cunucu di yerba berde
e ta pone mi sosega.
E ta hiba mi na awa trankil,
Pa mi bolbe haya forsa".
Salmo 23

Cu dolor na nos curason, nos ta anuncia
fayecimento di nos ser stima:

Swinda O. Tromp
*27-12-1963 †30-07-2024

Acto di entierro lo wordo anuncia despues.





Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com